


ANG PAGSAKGAW

 Ang maong sanga dinhi sa—sa Yuma, usa ka dakung prebilihioy kuni nga magkaaduna niining inbitasyon nga makabalik dinhi pag-usab. Nagkaaduna kami og usa ka maanindot nga kahigayonan, sa niadtong unang higayon dinhi. Ug sa pagkasayod ko nga mahibalik na usab ako dinhi, nagpabati gyud kuni kanako og maayo, nga madungog ang mga pagpamatuod ug kining maayong mga pagpamulong sa mga tawo, ug medyo nga nagapadasig pa gayud kanimo.

² Gisultihan ako ni Billy nga ang igsoon gikan sa Las Vegas, nga gustong magkaaduna og tigum didto sa maong sanga, nga magpakigkita ako kaniya dayon inigkahuman na sa panerbisyo dinhi dapit. Aduna kami panahon, ingon niya, nga masal-ot namo, mismo sa Enero, sa dili pa ang tigum sa Phoenix, kita n'yo, aron makaadto pa sa Las Vegas. Ug busa nga dugay na namong gusto nga moadto didto.

Nagtoo ko nga si Igsoong Art Wilson atua didto sa una, dugay na nga panahon kadto, o atua pa siya sa gihapon didto. Ug iya—iya akong gihangyo nga moadto didto, kaniya ug kang Igsoong babayeng Wilson. Wala ako nagkaaduna og higayon, busa kuni na tingali ang panahon nga makaadto na ako.

³ Makigkita lang kang Billy Paul o kang Igsoong Roy Borders. Ania siya dinhi siguro kung asa man. May nag-ingon nga ania na sa sulod si Igsoong Roy. Si Igsoong Pearry, Lee, o kinsa man kanila, mahimo kamo nilang sultihan. Ipahigayon lang ang mga petsa para sa among pag-adto.

⁴ Karon, may nakita akong daghan nga mga ministro dinhi, kaganina lang, nga kanila malipayon ako kaayo nga mahibalag ang akong mga kaigsoonan. Aduna lang unta ko'y panahon, nga mouban pauli sa inyong balay, kay nasayod ako nga anaa kaninyo ang pinakamaayong manlutoay sa tibuok nasud. Maayo gyud kana.

⁵ Ug karon, Igsoong Pearry nakaduha ka na gyud, karong gabii, diha kaniya. Adunay duha na ka marka karon batok kaniya. Usa niini, ang pagputol nianang mikropono, dinha. Kung, ikaw—sad-an ka niana, Igsoong Pearry. Dili man siguro nga sad-an gyud ka. Apan ikaw. . . Aduna na unta'y magsulti. Maayo kadtong usa.

⁶ Ug busa dayon, usab, miadto siya didto ug nagapakig-estorya niadto. Miingon siya, “Hala!” Ginaingnan si Igsoong Collins o ang uban kanila. Miingon, “Lami ang panihapon. Apan,” miingon, “sultihan ta ka,” miingon, “kana nga tawo usa gayud ka Katsila o unsa man, o usa ka Mexicano. Kadto pa ang pinakahalang nga paminta nga natilawan nako sukad.”

Nagsulti-sulti nga ingon niana, ug iya pang gikaestorya ang maong kusinero.

Ingon niya, “Ako ang kusinero.”

⁷ Ingon niana ang Texas, para kanimo. Ato na siyang tarongon, dinhi sa Arizona, pagkahuman, (dili ba?), kung mopabilin siya kauban nato.

⁸ Maayo gayud ang mahianhi dinhi! Ug dili man siguro kadto ingon nga mga binuang, apan usa ka pagpakatawa. Nga, ang Ginoo may pagpakatawa Mismo, kabalo na mo. Ingon Niya, “‘Si Herodes,’ adtoi’g suginli ang maong singgalong, kita n’yo, ‘karon ginapagula ko—ginapagula ko ang mga yawa; ugma matapos ko na ang buluhaton.’” Busa, aduna Siya’y pagpakatawa. Bueno, dili man kini makadaot kanato, dili siguro, usahay.

⁹ Ug karon medyo gabii na. Ug, kasagaran, ako—nagawali ako sa mga upat ka oras. Busa niini, sa pagtahod sa maong igsoong lalaki ug babaye dinhi, ang maong sanga dinhi, atong mub-an kana, karong gabii. Ug lamang. . . Giingnan ko si Terry. Ingon ko. . .

Miingon siya, “Unsa ma’y. . . Butangan ba og pang-duha ka oras nga teyp?”

¹⁰ Ingon ko, “Dili, Terry. Usa kini ka—ka kumbite.” Ingon ko, “Mga traynta lang o kuwarenta ka minutos, nga magsulti og usa ka butang ngadto sa mga tawo.” Nga, paninguhaon ko, bisan pa, sa matag higayon, nga nahibalo na niana.

¹¹ Sa batan-on pa ako, mangadto ang mga tawo sa una sa pagpaminaw tungod kay usa pa ako niadto ka batan-on nga magwawali, usa pa lang ka batan-on nga lalaki, dodong pa. Ug moingon sila, “Bueno, si Billy Branham, kabalo mo, bata pa gyud, wala gyud kaeskwela, ug dili nagkaaduna og edukasyon.” Ug mangadto sila aron maminaw sa akong mga binugto-bugto nga pinulongan, sa akong Kentuckynhon nga Ininglesan, ug—ug busa ilang. . . kadtong akong “hits, ug hain’ts, ug totes, ug carry.”

Sama sa usa sa mga tigum dinhi dili pa lang dugay, miingon sila, “Manindog kitang tanan ug kantahon nato ang nasudnong awit.”

¹² Mitindog ako ug miingon, “For my old Kentucky home far away.” Mao lang kadto ang nasud nga nahibaloan ko, busa nasudnong awit na kadto, kutob sa kalabutan ko.

¹³ Busa karon, sa nagkaedad ka na, bisan pa, bueno, kita, anaa na siya, kinahanglan nga aduna ka’y mas labaw pa niana. Kita n’yo? Kuhaon nato. . . Miingon si Pablo, “Sa bata pa ako, nagsulti ako nga ingon og bata ug nagpanghunahuna nga ingon og bata. Nagalihok ka nga ingon og bata.” Apan sa nagkaedad ka na, nagasugod ka na kung ingon-ana, sa paghimo sa una mong mga tikang, ug mobaragbarag ug matumba, ug motindog

ug mosulay pag-usab. Dayon ikaw, sa dili magdugay, himoon mo aron nga makalakaw ka na diretso. Ug mao kana sa unsa'y kinahanglan nga atong buhaton, ingon nga mga sundalo sa krus. Karon na ang panahon sa paglakaw nga diretso, padulong mismo nianang dalan ngadto sa Kahimayaan.

¹⁴ Nagatoo ako nga nagapuyo na kita karon sa ulahing mga hugna sa kasaysayan niining kalibutan. Nagatoo gayud ako nga ang Pag-abot sa Ginoo haduol na, tingali, kaysa sa pagdahum nato. Busa karon, sulod sa mga traynta lang ka minutos sa inyong panahon, o mga ingon-ana, gusto kong tawgon ang inyong pagtagad sa usa ka Kasulatan nga buot kong gamiton nga usa ka teksto, ug—ug mopahinungod sa uban pa dinhi.

Didto ako sa balay, sa miaging adlaw, namalandong ako niining panghunahuna. Dayon nahunahunaan ko, “Bueno, dili ko mahibaw-an, kung paghisgotan ko ang gikan sa tibuok niining Kasulatan. Hisgotan ko na lang ang bahin Niini, ug para lang sa kadtong mubong panerbisyo sama sa atong buhaton karong gabii.” Gusto kong isulti ang usa ka butang, samtang nga nagapakli kamo ngadto sa Salmo. Ang—ang nahauna. . . Ang ika-27 sa Salmo, gusto ko sa unang lima ka bersekulo, mobasa.

¹⁵ Gusto kong isulti kini, mahitungod niining mga sanga sa pang-negosyanteng Full Gospel Business Men.

Ang akong Igsoong Pearry naghigot kaganina bahin sa maong mga libro, ug uban pa, ug sa bag-ong mga basahon nga aduna sila. Pila man ang mga nakahinumdom sa dihang atong gi-teyp, ug giwali kini dinhi sa Phoenix, diha sa usa sa mga konbensyon, ang mahitungod sa *Mga Sir, Unsa Na Nga Panahon Kini?* Karon, mao kadto ang sinugdanan nianang basahona, nakita n'yo, sa dihang kini—nahitabo kini.

¹⁶ Daghan na kaayong mga supernatural nga pagpanghimatuud bahin sa sinulat nga Pulong sa Dios, mahitungod niining taknaa, para sa usa ka butang nga dili pa nagsingabot na karon. Kita gyud. . . Tinuod na kaayo kini. Ang mga butang nga inyong. . . Mahimo kining makapahingangha, kaninyo, nga maipahibalo lang kaninyo ang kanang unsay nagakahitabo karon. Daghan kaninyo, mga lumalangyaw pa, tingali, madungog kining maong mga lalaki motindog ug mohatag-hatag niining mga paghisgot, bahin sa, “Usa ka Mensahe sa niining panahon,” ug uban pa. Unsa ma'y ilang ginapasabot, mao ang saad sa Dios sa niining panahon, nga Iya nang gisaad kon unsay Iyang pagabuhaton. Ug makita nato Siyang ginapanghimatud-an uyon sa Kasulatan sa eksakto gayud kon unsay Iyang giingon nga Iyang pagabuhaton, sa mao gihapong pamaagi. Nga gitagna na, nagakatukma gayud sa hingpit, sa matag higayon, tungod kay Dios ang nagasulti niini.

¹⁷ Kung ang usa ka tawo, dili ko igsapayan kung kinsa man siya, ang mosulay paghimo og ingon niana nga pagpanagna, sa napulo ka milyon kalagmitan aduna la'y usa. Kung miingon ang usa ka tawo kaninyo nga mahitabo ang usa ka *butang*, mahitabo kini—mahitabo kini sa usa ka pihong *oras*; sa napulo ka milyon usa lang. Ug dayon ang *lugar* pa nga pagahitaboan niini, mga usa ra gikan sa mga usa ka gatus ka milyon ang kalagmitan.

Ug dayon ang *oras* pa nga mahitabo kini, padayon ug padayon pa, ug ang *pamaagi* nga mahitabo kini, ug kon nga *unsa* kini mamahitabo, ug uban pa, sobra pa gayud kini kay sa pagpanalagma. Sa diha nga makita nato kini sa ingon ka hingpit gayud, sa matag ug tanang higayon, ang Dios na kini kung ingon ana.

Ug balikan nato dayon mismo diha sa Mga Kasulatan. Daw sa talagsaon kini alang kanato. Apan sa ginaablihan nato ang Mga Kasulatan, nga wala gani nakahibalo kung asa pangitaon, ug igapahayag kini sa Balaang Espiritu ug nga ginapatakdo gayud ang tibuok Pulong, ginahulagway dinha aron ipakita kanato ang mismong panahon nga atong ginapuy-an. Nagausab kita og kapanahonan.

¹⁸ Ania kita—ania na kita sa usa ka kanto. Masayon kung adunay magbiyo sa usa ka kanto, nga usa ka panday sa bato, nga magbiyo sa usa ka kanto. Mosugod, ang tanan sa pagpahimutang sa mga hollow block diha mismo sa mao rang talay, sama sa dihang nagasugod ang usa ka denominasyon, ug magsugod na pagpamuhat sa maong talay, maayo kana. Apan, pag-abot mo na sa maong mga likoanan, kon diin kinahanglan mo na nga moliko sa laing direksyon!

Karon, ang Dios wala nagatukod og usa ka bongbong. Nagatukod Siya og usa ka balay, kita n'yo, ug adunay daghang mga kinasang-an ug mga likoanan nga Iya nang gisulti daan dinhi sa Biblia. Ug sa mga likoanan, ang si bisan kinsa mahimong mosulay sa pagliko, apan gikinahanglan nga subay kini sa giplano na. Kon kini dili man, gikinahanglan kining gubaon pag-usab.

¹⁹ Busa atong—atong ginadayeg ang Dios tungod sa Iyang kaayo ug sa pagpakig-ambitay kauban kaninyong mga tawo, ug sa mga inablihan nga mga pultahan nga gikahatag sa Ginoo kanato, ug pinaagi niining mga negosyante. Sa una pa ako nakigbisog nga ako—ako wala nagatoo sa... Nagatoo ako sa mga tawo sulod sa mga denominasyon. Apan wala ko'y igong panahon sa pag-aghat sa mga denominasyon, tungod kay nagatukod ang tagsatagsa niini og paril sa palibot niya.

²⁰ Ug—ug sama lang, sa pagtoo ko, usa kadto ka hamubong estorya ni Igsoong David, mahitungod sa pagbuhi niya niadto og pipila ka mga pato, ug nga mitaas ang suba. Ug ang matag pato, abi ninyo, gusto nila nga may pagpakigkauban sa usa'g usa, ug

dili nila kini mahimo tungod kay gipangparil silang tanan. Apan sa dihang mitaas na og ayo ang tubig, gipalutaw niini ang mga pato pagawas sa koral.

Busa ako—hunahuna ko nga sa ingon nianang paagi ang pagbuhat niini. Mao ang pagtaas lang sa tubig, kita n'yo, ug makagawas na kita sa koral ug—ug magpakigkauban na sa usa'g usa, kabalo na mo, ang magkaaduna og tinuod nga gugma ni Cristo sulod sa atong mga kasingkasing.

²¹ Ug kining Full Gospel Business Men nahimo nang usa—usa ka owasis alang kanako. Tungod kay, sa makadaghang higayon. . . Aduna ko'y mga kaigsoonan, maayo kaayong mga kaigsoonan sa sulod, siguro, sa matag denominasyon nga akong gikahibalag: sa mga Presbyterian, Lutheran, mga Baptist, mga Pentecostal, tanan nang matang sa mga Pentecostal, church of God, ug mga Nazarene, Pilgrim Holiness. Mga maayo kaayong mga kaigsoonan, sa tanang dapit. Apan, sa makadaghang higayon, dili nila ako mahimong dad-on sa ilang komunidad, tungod kay, kita n'yo, dili nga wala sila nagatoo niini, apan, kita n'yo, putlon sila niini sa ilang denominasyon. Ug sa dihang buhaton mo kana, siyempre, kana—kana na ang moputol niini.

²² Dinhi sa dili pa lang dugay, adunay usa ka igsoon nga Methodist ang miduol kanako, dili nako hinganlan ang iyang ngalan. Usa ka maayo kaayong tawo, naghimo siya og usa ka thesis mahitungod sa Balaanong Pagpang-ayo, ug miduol siya kanako alang sa pipila—pipila ka pagpakighinabi. Nanglingkod kami ug nag-estoryahanay sa makadiyut. Miingon siya, “Ang bugtong butang nga dili gusto namo kanimo, pirmi kang nagapakig-uban kanilang mga Pentecostal.”

Ingon ko, “Kung ingon-ana, ang Iglesiang Methodist na ang magpasiugda niini. Moanha ako.”

Lahi na kana. Kita n'yo? Siya—miingon siya, “Bueno, siyempre, ako—dili man ako ang iglesiang Methodist. Nahisakop lang ako kanila.”

²³ Ingon ko, “Mao kana. Kita n'yo? Sila ang maoy, ang mga Pentecostal, ang maoy nagaabli sa ilang mga pultahan. Kita n'yo? Kana sila ang maoy akong maadtoan. Ug sa ingon ka daghan kanila nga mag-abli, aba, andam kaming mosulod.”

Sama diha sa Pinadayag, sa ika-3 nga kapitulo, nag-ingon, “Nagatindog Ako sa pultahan ug nagapanuktok. Kung kinsa man ang moabli sa pultahan, mosulod Ako ug manihapon.” Ug si Jesus kana. Kitang tanan nahibalo nga si Cristo kana, ug Siya ang Pulong. Husto kana. Siya ang Pulong.

²⁴ Ug gani ang Full Gospel Business Men nahimo nang owasis kon diin makatigum kitang tanan. Wala'y mga iglesia ang nagapasiugda niini. Silang tanan, nagkahiusa, ang—ang mga kalalaken-an gikan sa mga kaiglesiahan, ug nagapakighiusa

kitang tanan ug nagapakig-uban, ginalatas ang kalibutan, sa tanang dapit.

²⁵ Ug mitabang ako pagtukod sa dinaghan, daghan, daghang mga sanga niini sa tibuok kalibutan, sa Full Gospel Business Men. Mapasalamaton ako sa maong kahigayonan nga gikahatag kanako. Sa niana, igapasiugda kini sa mga negosyante. Dayon, ang tanan nga mga kaiglesiahan, ilang—gusto na nilang moanha, bisan unsa pa.

Apan, unya, ug dili ko gayud gusto mangbira kang kinsa man gikan sa ilang iglesia. Pagpabilin mismo sa inyong iglesia ug ipakaylap ang Kahayag. Kita n'yo? Magmatinud-anon gayud nga usa ka Cristohanon. Pasalamat ka sa imong pastor. Ang usa ka tinuod, matinuuron, lunsay nga balaan, ang si kinsa man nga nagatoo sa Dios magadayeg sa usa ka tawo nga ingon niana. Oo.

²⁶ Karon, ginapasalamat ko ang maong igsoon dinhi, ug ang iyang asawa, ug kini nga sanga, alang niining kahigayonan. Ug hinaut nga modaku pa kini nga sanga. Hinaut nga ang mga panalangin sa Dios mopabilin niini, ug mamahimong usa ka instrumento sa mga kamot sa Dios, sa pagluwas sa mga ginatus ug ginatus pa nga mga tawo sa dili pa ang Pag-abot sa Ginoo; ug sa tanang uban pa kaninyong mga sanga o mga representante dinhi gikan sa maong mga sanga.

²⁷ Diha sa Basahon sa Mga Salmo, karon, gusto kong maghisgot bahin sa usa—usa ka talagsaong hilisgutan, karong gabii, sa makadiyut lang. Aduna ko'y pipila ka Mga Kasulatan nga nahisulat dinhi. Ug—ug akong gihunahuna nga basin nga, karong gabii, maghisgot ako mahitungod sa usa ka butang nga talagsaon. Apan, sa makita nga nagakahurot na ang oras, aba, dili ko buot nga mopabilin sa ingon niana ka dugay, busa nag-abli na lang ako dinhi ug mikuha og uban pang Kasulatan. Ug gusto kong hisgotan ang bahin sa: *Ang Pagsakgaw*. Kita n'yo?

²⁸ Karon, nagatoo kita nga magkaaduna og usa ka Pagsakgaw. Nagatoo ang tanang Cristohanon niana, nga mga magbabasa sa Biblia, nagatoo nga magkaaduna og usa ka Pagsakgaw.

²⁹ Ug karon sa pagbasa sa pipila ka basihan, atong basahon ang ika-25 sa Salmo. Ang pasabot ko . . . Pasayloa n'yo ko. Sa ika-27 sa Salmo, sa 1 hangtud sa 5 nga mga bersekulo.

Ang GINOO mao ang akong kahayag ug ang akong kaluwasan; kinsa man ang akong pagakahadlok? ang GINOO mao ang kusog sa akong kinabuhi; kang kinsa man ako malisang?

Sa diha nga ang mga mamumuhat sa kadautan, bisan ang akong mga kabatok ug mga kaaway, mangabot sa pagtigum batok kanako sa pagkaon sa akong unod, sila nagakapangdol ug nangapukan.

Bisan ang usa ka dakung panon magapahamutang sa palibot batok kanako, dili mahadlok ang akong kasingkasing: bisan ang gubat patindogon batok kanako, bisan pa niini ako masaligon.

Usa ka butang ang gipangayo ko sa GINOO, nga paga-pangitaon ko; nga makapuyo ako sa balay sa GINOO sa tanang adlaw sa akong kinabuhi, aron sa pagtan-aw sa katahum sa GINOO, ug sa pagpakisayod sa iyang templo.

Kay sa adlaw sa kasamok pagatagoan niya ako sa maong puloy-anan: ug diha sa tabil sa iyang balongbalong pagatagoan niya ako; ituboy niya ako sa ibabaw sa usa ka bato.

Hinaut nga idugang sa Ginoo ang Iyang mga pagpanalangin sa nianang pagbasa sa Iyang Pulong.

³⁰ Karon, niining adlaw, sa paghisgot niining hilisgutanang, ug ang uban kaninyo karon mahimong molahi, sa—sa mga dalan nga akong ginalakwan. Apan pila man dinhi ang nagatoo nga ang Biblia nagatudlo nga magkaaduna og usa ka Pagsakgaw sa Iglesia? [Ang kongregasyon nagaingon, “Amen.”—Ed.] Oo, sir. Husto kana, sa eksakto, usa ka paglalin sa Iglesia. Usa ka man ka Methodist, Baptist, Presbyterian, o kinsa ka man, Pentecostal, magkaaduna gayud og usa ka paglalin.

³¹ Ug siguro nga, sa paghisgot, ako—dili gayud ako nagatindog dinhi aron maghisgot og butang nga sa hunahuna ko magpahimuot sa mga tawo. Wala pa gayud ako nakasala niana. Buot kong motindog dinhi ug isulti ang usa ka butang ingon nga gibati kong gipangunahan ako sa pagsulti niini, nga sa hunahuna ko nga makatabang gayud kaninyo, butang nga makapadugang pa sa inyong kasinatian sa Dios, kung usa ka ka Cristohanon; ug kung dili ka pa usa ka Cristohanon, himoon nga maulaw ka gayud sa imong kaugalingon, aron nga mamahimo kang usa ka Cristohanon. Ug mao kana ang katuyoan nga sa una ko pang gipanguhaan sa paghan-ay sa akong mga pagpanghunahuna, sa dihang pangunahan ako sa Ginoo.

³² Karon, napasidan-an na kita, kung unsaon nga Kini nga Doktrina pagayubitan niining ulahing mga adlaw. Kung inyong mahimo, basahon lang nato Kana, sa makadiyut lang. Sa Ikaduhang Pedro Kini, sa ika-3 nga kapitulo. Magbasa lang kita sa makadiyut niini. Sa ika-3 nga kapitulo, ug sa ika-3 ug ika-4 nga mga bersekulo. Tan-awon nato kung dili ba kini husto.

Sa hibaloan ninyo una kini, nga sa ulahing mga adlaw may mga mayubiton nga managpanungha nga managyubit, nga magapahiuyon sa ilang kaugalingong mga pangibog,

Ug nga nagaingon, Hain na ang saad sa iyang pag-anhi? . . . kay sukad nga nangatulog ang mga ginikanan,

ang tanang mga butang nagapadayon ingon sa gihapon gikan sa sinugdan sa pagkatukod sa kalibutan.

Kay kana ginakalimtan nila pagtuyo, nga pinaagi sa pulong sa Dios dihay mga langit nga nanaglungtad sa karaang panahon, ug ang yuta nga giumol gikan sa tubig ug ang tu- . . . ug sa kinataliwad-an sa tubig:

Nga tungod niana ang kalibutan nga . . . kaniadto, nga gilunopan sa tubig, nalaglag:

³³ Karon makita nato nga, ang hinungdan nga kining hilisgutan wala panumbalinga, maoy tungod nga giingon na sa propeta dinhi nga sa ulahi niining mga adlaw mangabot kining mga mayubiton nga nagasulti niining mga butanga. Kita n'yo? Natagna na kini, ang hinungdan nga nagalihok ang tawo sa ingon niana nga ilang mga paglihok. Aba, piho kang paabuton mo kini, tungod kay gisulti na kana sa Biblia. "Sa ulahing mga adlaw mamahimo silang mga gahi'g ulo, hambugiro, mahigugmaon sa mga kalingawan labi kay sa paghigugma sa Dios; dili malukmay, tigbutangbutang, dili mapugnganon, walay gugma sa maayo; nga nagabaton sa dagway sa pagkadiosnon, ug nanagdumili sa gahum niini: likayi kining maong mga tawhana." Makakita ba kita sa usa ka pagsundogsundog sa Kamatuoran? Sigurado.

³⁴ Sa dihang milugsong na si Moises paadto sa Egipto, aron sa pagluwas sa kaanakan sa Israel, nga dala ang usa lang ka sungkod sa iyang kamot ingon nga pagpanghimatuod, nga kauban ang Dios sa Langit nga nagpaluyo kaniya, naghimo siya og usa ka milagro. Atua miabot ang mga manunundog sunod kaniya, ug nga ginabuhat ang mao rang butang nga iyang gibuhat. Kita n'yo? Karon, ikaduha lang sila, human nga gibuhat niya una kadto. Dayon nangabot sila, tungod kay gikopya ra nila kadto kon unsay iyang gibuhat, nga ginasundog ang orihinal. Atong makaplagan kana.

Ug karon moingon ka, "Bueno, sa mga adlaw man kadto ni Moises."

Apan ang mao ra nga Kasulatan nagaingon nga manungha sila pag-usab sa ulahing mga adlaw. "Maingon nga si Janes ug Jambres misukol kang Moises, maingon man usab kining mga tawhana nga dunot ang pagpanghunahuna mahitungod sa Kamatuoran." Kita n'yo? Mga pagpanundog, tanan nang mga butang aron samokon ang mga tawo. Ug dayon kung . . .

³⁵ Kining Pagsakgaw nga diin mamahitabo, ug unsa pa man nga anaa ang Dios nga nahan-ay na sa Iyang Pulong, aduna sa kanunay motungha nga butang nga samokon Kana kung mahimo nila. Kini—kini—katuyoan kini ni Satanas nga buhaton kana.

³⁶ Sama sa igsoon dinhi, nga gikan sa tigum didto sa Las Vegas, miingon, "Giingon ni Satanas nga iyang gingharian

ang kalibutan, ug—ug kana ingon nga iyang punoan'g buhatan didto.”

Nasayod ako nga si Satanas mao ang dios niining kalibutana. Ang matag nasud ilalum sa langit kontrolado niya. Eksakto. Iyaha ni Satanas kining kalibutan, apan pagakuhaon kini ni Jesus. Iyang gitanyag kini ngadto Kaniya usa niadto ka adlaw. Ug Iyang gibalibaran kini, apan, miingon Siya, tungod kay nasayod Siya nga Siya ang manununod niini sa umalabot nga panahon.

³⁷ “Mga mayubiton.” Hatagan sá nato sa pagtagad kanang usa ka pulong, sa dili pa kita mohisgot pa'g dugang. Mga mayubiton!

Nakabasa ako niadto og usa ka mantalaan, mga duha na ka semana ang milabay, didto sa Tucson, nga kon diin may usa ka lalake nga taga-Inglaterra ang naghimo og usa ka pahayag. Anaa kini sa ulohan sa maong mantalaan, nga ang pagkalansang kuno ni Ginoong Jesus Cristo hinimo-himo lang, tali ni Pilato ug ni Jesus, nga mianhi Siya aron himoon nga . . . aron himoon ang Iyang Kaugalingon og usa ka butang. Ug wala'y paagi nga mahimo natong lalison kana kanila, tungod kay ang tanang butang nga iyaha sa Dios kinahanglan pagadawaton pinaagi sa pagtoo. Kinahanglan nga atong toohan kini. Karon, mipadayon siya sa paghulagway kon giunsa niadto paghimo kadto.

³⁸ Dinhi sa dili pa lang dugay, sa nianang gamhanan nga nasud, ang London, sa Englatera, diay, kon diin nga si John Wesley ug si Charles, ug daghan pa kadtong bantugan nga mga magwawali sa unang mga panahon, si Spurgeon ug sila, ang nagwali sa Maayong Balita didto sa palitanan sa mga dagami ug sa tanan nang dapit didto. Ilang gisalikway ang kadtong mensahe sa ilang panahon, ug tan-awa kung unsa na sila sa karon.

Didto karon si Igsoong Williams ug silang uban pa karong gabii. Usa na kini sa mga pinakaubos nga matang sa nasud sa kalibutan. Nalibot ko na ang tibuok kalibutan, apan wala ko'y nahibaw-an og bisan unsa pa nga ingon ka ilihetimo kay sa Englatera. Kini'y . . . Mao pud ang giingon ni Billy Graham. Aba, gikinahanglan niya nga ipahilayo ang iyang asawa sa mga parke, kung giunsa nga ang—ang—ang ginahimo tali sa mga kalalaken-an ug kababayen-an nagakahitabo, nga dayag, didto sa mga parke. Sa didto ako, wala pa ako'y nakita og bisan unsa man nga labaw pang makapasubo sa kasingkasing sa usa ka tawo kay sa kung unsa na ang nagakahitabo sa Englatera; nga nagkaaduna og kahigayonan, ug, nga usa ka higayon, nanguna sa kalibutan sa usa ka repormasyon. Nagapakita lang kini kung unsaon nga mahimo kining mahulog.

³⁹ Apan, nakita n'yo, unsa ma'y nagpahimo sa ingon niana, ang mensahe nga gipahayag kaniadto, nagapaningkamot ang mga tawo sa Englatera sa pagkupot sa kaniadtong mao gihapong

mensahe alang sa karong panahon. Dili na kana magpulos sa karon. Dili na kini magpulos. Unsaon nga . . .

⁴⁰ Unsa kaha kung miabot si Moises ug gidala ang Mensahe nga iyaha ni Noe, “Maghimo kita og usa ka arka ug ipalutaw kini didto sa Nile?” Dili na kadto mahimong magpulos. Ug dili pud magpulos kaniadto kang Moises ang Mensahe ni Jesus. Ug ang Mensahe ni Wesley nga dili pud magpulos kang Luther; o ang iyaha ni Luther kang Wes- . . . nga mensahe, bali-bali.

Ug karon, kita, ang atong ulahi nga dakung repormasyon mao ang Pentecostal. Ug sa karon nagapahilayo na kita niana. Ug ang mensaheng Pentecostal dili mahimong mosagol Niini, tungod kay lahi na kini nga panahon. Pulong sa Dios ang tanan niini, apan nagakaporma kini. Sama sa mga tiil, sa mga bukton, nga nagakaporma, ginaporma na niini ang Pangasaw-onon alang sa Pagsakgaw. Kita n’yo? Ayaw—ayaw kuhai’g lugar silang mga tawo kaniadto; gikinabuhi nila ang ilang Mensahe. Mangbangon silang tanan, nga mga anaa sa Pangasaw-onon.

Sama lang sa kinabuhi nga nagaagi sa lindog sa trigo. Nagabiya kini sa trigo, sa tipaka, apan ginaporma na sa trigo ang kaugalingon niini sama sa lugas sa maong trigo nga nahulog niadto sa yuta.

⁴¹ Dinhi sa dili pa lang dugay, nagbasa ako sa usa ka libro nga gisulat sa usa ka Aleman, sa pagpanaway. Miingon siya, “Sa tanan nga mga—nga mga panatiko sa kalibutan, si William Branham ang pinakalabaw kanilang tanan.” Miingon siya, “Aba, siya wala’y lain kon dili usa ka . . . Siya’y usa ka—usa siya ka madyikero. Ginabuhat niya kining mga butanga.” Kita n’yo, ang tawo, nga wala nahibalo.

⁴² Ug, unya, usa ka kritiko ang maong tawo. Wala gani siya mitoo og Dios. Miingon siya, “Ang Dios nga mahimong mapahimutang niadtong mangiub nga mga kapanahonan, ibutang ang Iyang mga kamot sa Iyang tiyan, ug kataw-an ang usa ka panon sa mga Cristohanon; ingon nga mga inahan pa, ug nga Iya pang Kaugalingong mga tinon-an, nga ingon niana unta; mga inahan nga may gagmay’ng mga anak ug mga ingon-ana, ug pasagdan ang mga liyon nga pangkaonon sila; ug wala man lang gani mitunol og kamot.” Nakita n’yo na kon diin nga ang karnal nga panghunahuna, kon diin nga ang edukasyon ug ingon-anang mga butang, dili makasabot sa panan-awon? [Ang kongregasyon nagaingon, “Amen.”—Ed.]

⁴³ Gikinahanglan nga mahulog sa yuta kadtong lugas sa trigo. Sama lang kang Jesus nga gikinahanglan mahulog, aron mobangon usab, mao usab nga gikinahanglan mahulog ang maong iglesia sa pentecostes. Gikinahanglan nga malubong kini sa yuta, niadtong mga mangiub nga mga kapanahonan. Ang bisan unsang trigo nga . . . Ang unsa mang trigo nga

nagakalubong sa yuta, kinahanglan nga mapahimutang kini sa nianang mangiub nga panahon, aron motubo.

Apan misugod kini pagturok kang Martin Luther. Miagi kang Wesley. Paingon ngadto sa Pentecostal. Karon misulod, aron mogawas na ngadto sa lugas. Ug ang pang-denominasyon nga mga sistema sa karon nga ilang gibiyaan, mga lindog sila, kana lang. Pagasunogon kini, ang maong sistema sa denominasyon. Apan ang tinuod nga lugas sa trigo nga nanggawas sa matag usa niadtong mga repormasyon pagasakgawon diha sa Pangasaw-onon. Ang tanan-tanan niini moporma sa Pangasaw-onon.

44 Karon atong mahibaloan, nga didto sa Englatera, ilang gisundogsundog ang paglansang, dili pa lang dugay, sa usa ka grupo niadtong mga tawo, sila nga tag-as ang . . . batan-ong mga lalaki nga tag-as ang mga buhok ug ingon-anang mga butang, ug nga nanggihugyaw, nga gitawag si Jesus “daddy-o” ug ingon-anang mga butanga. Mga tawong wala’y pulos!

45 Karon moingon kamo, “Sa London man kana, sa Englatera.”

Tan-awa n’yo kung unsa na ang atua sa mantalaan sa miaging semana, dinhi sa Amerika. Usa ka bantugan nga doktor sa dibinidad, nga gikan sa usa ka maayong eskwelahan, ang miingon nga ang—ang maong paglansang kuno usa ka hinimo-himo lang. Miingon nga, “Gisulayan lang ni Jesus nga himoon ang Iyang Kaugalingon nga ingon niana, nga miinom Siya niingon sagbot nga mandragora.”

Ug makita nato kini diha sa Genesis, kon diin nga gisulti kini. Usa kini ka sagbot nga sama sa marijuana o unsa man. Makita kini didto sa Sidlakan. Ug kung imnon mo kini, patulogon ka niini. Tingali. . . Ug sama nga daw sa patay ka na, nagkalukapa, tanan na, sulod sa duha o tulo ka mga adlaw sa usa ka higayon.

46 Miingon siya, “Sa gihatagan nila Siya og suka ug apdo, posible kaayo kadto nga sagbot kadto sa mandragora. Ug sa gihimo na nila, ila Siyang gipainom niana, ug nagkalukapa Siya ingon nga daw patay na. Ila Siyang gibutang sulod sa lubnganan, ug gipahigda nila Siya didto. Human sa duha o tulo ka adlaw, sigurado, sa naulian na, nakamata na dayon Siya pag-usab, nga maayo na.” Miingon pa, “Miadto Siya sa India ug namatay kon asa man, sa usa ka ordinaryong kamatayon, sa pagpaninguha sa paghimo-himo og usa ka relihiyon.”

Una pa lang, sa kadtong kritiko, unsa na man ang nahitabo sa mga tawo? Kita n’yo, sa adlaw lang kini nga gikapuy-an nato, ang mga mayubiton, kita n’yo, ang adlaw aron matuman ang maong propesiya.

47 Gigahinan sa Dios ang matag kapanahonan sa Iyang Pulong, ug kinahanglan nga ipahayag kana sa matag usa niadtong mga kapanahonan. Ug nagsugo usab Siya daan og mga kalalaken-an

alang niana nga kapanahonan, sa pagtuman niana nga Pulong. Sa matag higayon nga mogahin Siya sa Iyang Pulong, mogahin usab Siya og usa ka tawo alang Niini. Sa dihang migahin Siya sa panahon ni Moises, gigahin usab Niya si Moises ngadto Niini. Sa dihang gigahin Niya ang maong panahon aron nga ipakatawo ang Anak sa Dios, gigahin usab Niya Siya ngadto niini. Sa matag kapanahonan, migahin Siya sa Iyang tawo, nga gisugo nang daan, sama sa giingon na sa Biblia. Wala gayu'y . . .

⁴⁸ Kung ang Dios man wala'y kinutuban, Pinakagamhanan, gamhanan sa tanan, nga anaa sa tanang dapit, nga nahibalo sa tanan, aba, nasayod gayud Siya sa tanang butang sa sinugdanan pa lang. Busa, nasayod Siya. Wala gyu'y butang nga nagakawala sa kahan-ayan. Kita lang ang nagahunahuna nga ingon niini kini. Ang tanan nagapamuhat. Tan-awa diha balik sa Iyang Pulong ug tan-awa kung unsa na'y Iyang ginabuhat, dayon magkaaduna kita og pagsabot.

⁴⁹ Karon, hunahunaa lang. Sa una pa lang, kung nahunahunaon lang unta niadtong ministro, nga sa dihang gibutang nila kadtong suka ug apdo sa Iyang baba, Iyang gilua kadto. Wala Niya kadto gidawat, sa una pa lang. Kita n'yo? Mga nagapanungha lang nga mga mayubiton! Usa pa ka butang, giunsa man niining Jesus nga taga-Nazareth, giunsa man pagtukma sa Iyang kinabuhi sa matag propesiya sa Daang Tugon? Giunsa man pagkahitabo niana? Dili gayud mahimong mahitabo kung wala kadto gibut-an sa Dios. Mitukma ang Iyang kinabuhi sa matag propesiya sa Daang Tugon. Usa pa ka butang, kung gihinimohimo lang Siya nga ingon niana niadtong mga tinon-an, nganong namatay man ang matag usa kanila sa pagka-martir? Ug bisan si apostol Pedro nag-ingon, "Ituwad ninyo ang akong ulo, dili ako takus nga mamatay sama Kaniya." Kung giunsa nila pagkuha si Andres ug gipatakilid siya sa krus. Sila, ang matag usa, giselyohan nila ang ilang testimonyo sa kaugalingon nilang dugo. Gitoohan nila Siya ug nga gihigugma Siya, ug gipangtugyan ang ilang kinabuhi alang Kaniya. Kung usa pa Siya ka maglilimbong, unsaon gayud nila paghimo kadto? Kita n'yo? Ang espirituhanon nga aplikasyon, dili masabtan sa mga tawo kini.

⁵⁰ Ania ang usa ka bantugan nga tawo dinhi, dili pa lang dugay, usa ka inila nga rabbi nga mao ang misulat niadto nga, "Si Moises, samtang nagaagi latas sa maong Dagat nga Mapula," miingon, "dili kadto sa tinuuray nga tubig. Wala pa gayud sukad nahimong paril ang tubig." Miingon, "Kung unsa kadto, didto sa pikas nga tumoy sa Dagat nga Mapula, adunay pundok sa mga bagakay. Ug miagi siya latas sa mga pang-tubig nga bagakay, sa mga bagakay sa tubig. Wala'y tubig didto. Mga pinundok lang sa mga bagakay, usa ka kadagatan sa—sa mga bagakay ang giagihan nila." Ug daghang mga ministro ang nagatoo niini, sila, ug nga ginadawat kini.

⁵¹ Dinhi dili pa lang dugay, sa paglupad niining nahaunang astronaut, mibalik siya, ug wala gayud siya’y nakita kung unsa man nga iya sa Dios. Bisan ang mga ministro napabaliko niana. Nagdahum sila nga ang Dios nagpuyo sa itaas mismo didto kung asa man, usa ka gatus ug singkwenta ka milya ang kahabogon.

⁵² Aba, sus, kung giunsa na sa edukasyon ug kaalam niining kalibutan paghimo sa iglesia nga usa na ka pundok sa mga sagbot sa ambrosia! Ang... Ang edukasyon niini ug ang sistema pang-edukasyon, ang siyensya ug ang sibilisasyon, mao’y iyaha sa Yawa. Sibilisasyon kini nga iya sa Yawa. Mao ang giingon sa Biblia.

Ug ang atong Sibilisasyon nga nagasingabot wala gayud kalambigitan sa niini nga sibilisasyon, man lang. Wala gayud niini, man lang. Magkaaduna og usa ka lahi nga Sibilisasyon, sa niini nga sibilisasyon ug sa niining siyentipiko nga kalibutan nga aduna kita. Kon diin nga nagdugang pa ang siyensya, nga nahimong mas siyentipiko pa kita, nagkasamot pa kitang paingon sa mga butang sa kamatayon, sa mga lit-ag aron mopatay, ug tanan na. Sa nianang bag-o nga Sibilisasyon, wala na’y kamatayon, wala na’y balatian, kagul-anan, o kasakit man. Kita n’yo? Wala na’y mga ingon niana Didto. Busa kini nga sibilisasyon gikinahanglan na nga pagalumpagon, tungod kay iyaha kini sa Yawa.

⁵³ Atong makita, nga sa Genesis 4, nga ang mga kaliwat ni Cain mao ang nagsugod sa sibilisasyon, nanggitukod og mga lungsod ug mga siyudad, ug uban pa, ug sa mga instrumento sa musika, ug mao man sa siyensya. Ug ang mga tawo samot nga napahilayo sa Dios, sa gihapon mga relihiyoso. Apan pag-abot na sa kaliwat ni Seth, misugod sila pagduol, sa pagtawag sa Ngalan sa Ginoo.

Ah, paghisgotan pa man ang pagkamalinglahon!

⁵⁴ Wala ako mianhi aron pasakitan ang pagbati ni kinsa man, nga magsulti og butang mahitungod sa usa ka iglesia. Ug kung ania ka man, ug nahisakup niining iglesia, wala ko ginaingon kini aron pasakitan ang imong pagbati; tungod kay daghang mga maayong tawo didto, maingon usab sa ubang kaiglesiahanan. Apan nabasa ko niadto sa Shreveport sa miaging semana, kon diin naghimo og usa ka pahayag ang iglesiang Katoliko.

Ug makita nato kon diin nga nagakahiya na silang tanan sa karon diha sa dakung konsehong ekumeniko, ug uban pa, nga ginatuman sa eksakto gayud kung unsay giingon sa Biblia nga ilang pagabuhaton. Sa eksakto gayud.

⁵⁵ Karon nahibaloan nato nga giingon nila, “Aba, ang Biblia...” Ang pipila sa mga Protestante gustong kuptan kanang Biblia. “Aba,” miingon, “wala gyud kanang Biblia kondili usa lang ka libro, usa ka kasaysayan sa iglesia, ug dili sila nagkaaduna niini sa literatura hangtud mga duha ka gatus og singkwenta ka tuig ang milabay. Kanunay ang iglesia na kini

sa una pa.” Miingon, “Ang iglesia kadto, dili ang Biblia, ug ang Biblia usa lang ka kasaysayan kung unsa ang nahimo sa iglesia.” Daw sa unsa kana ka maliputon nga bakak! Aba, anaa na kanato ang Biblia sulod sa tulo na ka libo ka mga katuigan. Ang Daang Tugon nahisulat na diha sa Kasulatan, sa gatusan og gatusan ka mga tuig sa wala pa ang pag-abot ni Cristo. Usa lang gayud ka maliputon nga butang sa Yawa!

⁵⁶ Ug nahibaloan niining adlaw, sa diha nga kining halapad nga mga pagyubit ug pagbiaybiay sa Biblia, ug ang mga pagpaninguha sa pagtukmod Niini pagawas, kinahanglan nga pagahukman sa Dios ang iglesia pinaagi sa usa ka butang. Dili lang Siya mahimo nga . . .

Dili sila mahimong moanhi niining dalana ug dakpon ako, ug moingon nga nagapadagan ako og traynta ka milya kada oras sulod sa usa ka sona nga pang-baynte ka milya lang, gawas kung adunay butang dinha nga moingon kanako nga puede lang ako magpadagan og baynte ka milya. Anaa kini kinahanglan dinha.

Ug pagahukman sa Dios ang iglesia, pagahukman ang mga tawo, sa umalabot nga adlaw. Nasayod kita niana. Adunay nagasingabot nga Paghukom. Busa kung pagahukman Niya kini pinaagi sa iglesiang Katoliko, hain man nga iglesiang Katoliko? Kung pagahukman Niya kini pinaagi sa Methodist, wala na ang Baptist. Pagahukman Niya kini pinaagi sa oneness, wala na ang twoness. Kita n’yo? Sa unsa man Niya kini pagahukman? Nag-ingon Siya nga pagahukman Niya kini pinaagi kang Cristo, ug si Cristo mao ang Pulong. Busa sa Pulong sa Dios, nga magahukom ang Dios. “Sa sinugdan mao ang Pulong, ug ang Pulong kauban sa Dios, ug ang Pulong mao ang Dios. Ug ang Pulong nahimong unod ug nagpuyo ipon kanato. Ang mao sa gihapon kagahapon, karon, ug hangtud sa kahangturan.” Kita n’yo? Busa, pagahukman Niya kini pinaagi sa Iyang Pulong.

⁵⁷ Ug nahibaloan nato karon nga sa niining panahon, sa diha nga ginapaninguhaan nilang itukmod ang Biblia pagawas, “Dawata ang iglesia. Ang Biblia; ayawi ninyo Kini. Ang iglesia gayud,” aron nga mahimo lang nila ang bisan unsang kredo o unsa pa man, ug manglakaw pinaagi niini.

⁵⁸ Bueno, sama sa ginaingon ko sa miaging gabii sa Shreveport. Sa—sa komunyong, sa pagpatay nila niadtong halad nga nating carnero, gikinahanglan nga “wala’y lewadura sa taliwala kanila, sulod sa tibuok nga pito ka adlaw,” wala’y lewadura, wala’y lewadura nga tinapay. Ang tanan kinahanglan wala’y lewadura. Nagrepresentar kana sa pitong mga kapanahonan sa iglesia nga nahisulat sa maong libro dinhi, ug wala’y lewadura. Unsa? Butang kini nga gisagol Niini. Ug atong ginasagol ang kredo ug denominasyon, tanan nang uban pa, sa Pulong, ug tawagon sa gihapon kini nga Pulong. “Wala’y lewadura, sa sulod sa pito ka adlaw.”

⁵⁹ Ug bisan kung unsa man ang nakaon karong adlaw, ayaw pagbilin niini para ugma. “Pagasunoga kini sa kalayo, sa dili pa ang pagbanagbanag sa adlaw,” kay aduna na’y nagaabot nga usa ka bag-ong mensahe, ug usa ka bag-ong butang. Kita n’yo, paninguhaon nga kuptan pa kini, apan ingon na niana ang batasan sa iglesia. Mokaylap ang usa ka rebaybal, ug mahibaloan mo na lang, sulod sa tulo ka tuig, mosugod na sila niini og usa ka organisasyon. Usa na ka nagasugod nga denominasyon, organisasyon.

Apan inyo bang nahimatikdan? Mikaylap na kini sa baynte na ka tuig karon, ug wala’y organisasyon. Ug dili na gayud magkaaduna pa. Kini na ang katapusan. Mibalik na ang trigo sa pagka-trigo pag-usab. Mibalik na ang trigo ngadto sa Iyang pagka-lugas. Mikalas na ang tipaka Niini. Ug kinahanglan nang magpahimutang ang maong trigo sa Presensiya sa Anak, aron mahinog.

⁶⁰ Dili ba kini usa ka talagsaong butang, nga, dili pa lang dugay, didto sa East Coast, ang halapad nga pagkawala sa kahayag? Dili nila masabtan kini. Nawala ang kahayag sa Texas, sa miaging semana. Dili sila makasabot niini. Dili ba ninyo nahunahunaan nga usa kana ka ilhanan? Wala ba mo nasayod nga ang mga nasud nagkaguol na? Ang Israel anaa na sa iyang kaugalingong yuta. Ug kining mga ilhanan nagapakita nga ania na kita sa katapusan. Sa mao rang panahon nga nagakawala ang kahayag, wala ba mo nakahibalo nga usa na kana ka ilhanan nga giingon sa propeta? Oo. “Apan sa panahon sa kagabhion motungha ang Kahayag,” nga magatungha ang usa ka Kahayag sa panahon sa kagabhion, sa diha nga ang mga pagkawala sa kahayag ug ingon nianang mga butang nagakahitabo na sama sa mga niini karon.

⁶¹ Tan-awa kung giunsa niini sa pagkawala sa kahayag. Mianhi lang dinhi ang papa.

Nahinumduman ba ninyo, sa tabernakulo, sa dihang sila . . . Nagkaaduna kamo og mga teyp. Siguro, nakakuha ang tanan kaninyo niini. Kung giunsa nga gipakita sa Ginoo didto niadtong adlaw, sa tabernakulo, sa eksakto kon diin ibutang kadtong mga kapanahonan sa iglesia ug nga kung mamaunsa sila! Nahidrowing ko na sila didto sa pisara, silang mga kapanahonan sa iglesia nga inyong nakita dinhi sa usa ka libro. Ug kung dili mikanaog ang Balaang Espiritu diha sa usa ka dakung Haligi sa Kalayo, ug mibalik mismo dinha nianang bongbong ug gipang-drowing Sila, Siya Mismo, samtang tulo o upat ka gatus nga mga tawo ang atua didto, nagalantaw Niini!

Ug pagkaabot sa maong papa dinhi, sa unsa mang paagi nga nawala ang kahayag sa bulan. Ug ilang gikuhaan og litrato ang mga niini sa mao rang pagkaplastar nga nahi-drowing kini didto sa entablado. Karon mibiyahe siya paanhi dinhi sa ika-

trese, naglakaw og trese ka mga lakang, nagtunol og trese ka pagpangalawat, ngadto sa usa ka nasud nga trese ang numero, ug nagkahitabo ang mga pagkawala sa kahayag bisan asa mang dapit. Dili ba ninyo makita kung asa na kita karon? Ania na kita sa katapusang panahon.

⁶² “Mangtungha ang mga mayubiton sa ulahing adlaw, nga nagaingon, ‘Wala’y kalainan ang maong panahon kay sa unsa kini kaniadto, sa dihang nangatulog ang atong mga ginikanan.’”

Apan sa dihang makita na ninyo kining mga butanga nga nagasugod nang nagakahitabo, ihangad ang inyong ulo, pag-andam na. Adunay magakahitabo sa bisan unsa mang takna, moabot na si Cristo para sa Iyang Iglesia.

⁶³ Karon, dili nila ginatooan kini, tungod kay usa kini ka . . . usa kini . . . Sila, sila’y gito- . . . Wala nila mahunahunaan nga ilang ginatuman ang Mga Kasulatan. Wala gayud kana mahunahunaan sa maong mga tawo, sa pagbuhat niining mga butanga ug sa pagsulti niining mga butanga, ginatuman nila ang Mga Kasulatan.

Wala’y hinanawan si Caifas, ang labaw’ng sacerdote, ug ang tanang uban pa nga mga sacerdote niadtong adlaw, nga nangyubit ug nagbiaybiay Kaniya, wala nakahibalo nga, ang mismong Dios nga ila niadtong ginakantahan, “Dios Ko, nganong gibiyaan Mo Ako?” Ang ika-22 nga Salmo, “Gipalagbasan nila ang Akong mga kamot ug Akong mga tiil.” Ginakanta kadto sa templo, ug Siya nga himalatyon na didto sa krus. Wala sila’y hinanawan nga ila nang ginabuhat kadto. Bisn gani si Jesus nag-ampo, “Amahan, pasayloa sila. Wala sila manghibalo sa ilang ginabuhat.” Tungod kay, sa tinuuray gipangtagna na sila niadto, sa Mga Kasulatan, nga mamahimong mga buta.

⁶⁴ Nasayod ba kamo nga ang Protestante ug ang iglesiang Katoliko gitagna na, sa ulahing mga adlaw, nga mamahimong mga buta, mao man usab, sa Mga Kasulatan, nga si Cristo anaa sa gawas, nga nagapaninguhang makasulod? “Tungod kay nagaingon ka, ‘Dato man ako, ug wala ako magkinahanglan sa bisan unsa,’ wala ka makaila nga ikaw mao ang makalolooy, kabus, talamayon, hubo, ug buta, ug wala nakahibalo niini,” Pinadayag 3. Tan-awa n’yo, balik sa pagkabuta pag-usab, nagayatak-yatak sa mga butang nga iya sa Dios, nga daw (sila) Kini wala’y kapuslanan kanila, nagapangyubit ug nagapangbiaybiay Niini. Mao kana kon unsay giingon sa Biblia.

⁶⁵ Apan, sa Iglesia, ang Pangasaw-onon, ang Pagsakgaw usa ka pinadayag alang Kaniya. Gipadayag Kini ngadto Kaniya. Nga, ang pinadayag, ang tinuod nga Pangasaw-onon ni Cristo magahulat alang nianang pinadayag sa Pagsakgaw.

⁶⁶ Karon, usa kini ka pinadayag, kay ang pinadayag pagtoo. Dili ka magkaaduna og pinadayag nga dili kini pagtoo.

Ang pagtoo usa ka pinadayag, tungod kay butang kini nga gipadayag kanimo. Ang pagtoo usa ka pinadayag. Ang pagtoo usa ka butang nga nahipadayag na kanimo, sama niadto kang Abraham, nga mahimo niyang tawgon ang unsa mang butang nga supak sa kung unsa man ang nahipadayag na kaniya, ingon nga dili ingon-ana. Karon, ang pagtoo, mao kana kon unsa ang pagtoo, mao'y pinadayag sa Dios. Gitukod ang Iglesia ibabaw sa usa ka pinadayag, ang maong kinatibuk-ang Lawas.

⁶⁷ Dinhi pipila ka semana ang milabay, nagapakig-estorya ako niadto sa usa ka ministrong Baptist. Mianhi siya aron sa pagpakighisgot uban kanako. Miingon siya, “Gusto ko ikaw ingon nga usa ka tawo, apan,” miingon, “nalibog ka lang.”

Ingon ko, “Kung ingon-ana, nagahangyo ako kanimo nga tabangan mo akong mahitul-id.” (miingon siya . . .) “sa Kasulatan.”

Miingon siya, “dili gayud nato mahimo, Igsoong Branham, nga mapatakdo ang maong mga butang hangtud nga makuha nato ang Pulong sa Pulong, sa Pulong, nga eksakto gayud sa Griyego, ug uban pa.”

⁶⁸ Ingon ko, “Oh, sir, nahibalo ka na man sa mas labaw pa niana.” Ingon ko, “Bisan sa Konseho sa Nicaea, nga ingon na niana kadugay, tulo ka gatus na ka tuig human sa pagkamatay ni Cristo, nakiglantugiyay pa gihapon sila kung hain sa Griyegong iskolar niadto ang husto. Makahibalo ka. Usa kini ka pinadayag, ang maong tibuok butang. Mao'y pina- . . .”

Miingon siya, “Dili ako makadawat og pinadayag.”

Ingon ko, “Kung ingon-ana unsaon mo pagdawat kang Cristo?”

Miingon siya, “Aba, nag-ingon ang Biblia, ‘Ang nagatoo mao'y . . . diha kang Jesus Cristo, adunay Kinabuhi nga dayon.’”

⁶⁹ Ingon ko, “Tinuod kana. Nagaingon pud Kini nga wala'y tawong makatawag kang Jesus nga Cristo pinaagi lamang sa pagpadayag sa Espiritu Santo nga nagpadayag niini ngadto kaniya.” Kita n'yo? Tan-awa n'yo, nagabalik mismo sa gihapon, nagabalik mismo sa pinadayag. Kinahanglan nga mapadayag kini, diha sa Biblia.

⁷⁰ Si Cain ug Abel wala'y Biblia nga ginabasa kaniadto, apan nahipadayag kadto kang Abel, pinaagi sa pagtoo, nga mao'y usa ka pinadayag. Naghalad si Abel ngadto sa Dios og usa ka labing maayong halad kay sa kang Cain. Nga, gipanghimatud-an sa Dios nga siya matarung.

Sa gipangutana si Jesus dinhi, sa Mateo 16:17 ug 18. Wala na kita'y oras nga basahon pa kini, apan kung gusto ninyong isulat kini. Nag-ingon Siya, “Sumala sa sulti sa mga tawo kinsa man kuno ang Anak sa tawo?”

“Ang usa kanila nag-ingon nga Ikaw ‘Si Moises, Elias, o uban pa.’”

Miingon Siya, “Apan kamo unsa may inyong sulti kung Kinsa man Ako?”

⁷¹ Miingon siya, “Ikaw mao ang Cristo, ang Anak sa buhing Dios.”

⁷² Miingon Siya, “Bulahan ikaw, Simon, anak ni Jonas, kay wala kini gipadayag kanimo sa unod ug sa dugo. Ang Akong Amahan nga atua sa Langit mao ang nagpadayag Niini nganha kanimo. Sa ibabaw niining bato,” ang espirituhanong pinadayag kung Kinsa ang Dios, kung Kinsa si Jesus. Ug Siya mao ang pagkapinadayag sa Dios, ang Dios nga nahimong unod ug nahipadayag ngadto sa kalibutan.

“Ania Siya kaniadto sa kalibutan. Diha ang Dios kang Cristo, nga nagapasig-uli sa kalibutan ngadto sa Iyang Kaugalingon, nga ginapadayag kung unsa ang Dios kaniadto, diha sa lawas nga unod.”

“Ikaw mao ang Cristo, ang Maong dinihogan, ang Anak sa Dios.”

⁷³ Miingon Siya, “Wala gayud kini nahipadayag kanimo sa unod ug sa dugo, apan ang Akong Amahan nga atua sa Langit mao ang nagpadayag niini kanimo. Sa ibabaw niining bato pagatukoron Ko ang Akong Iglesia, ang maong pagpadayag sa Pulong sa iyang panahon Niini. Pagatukoron Ko ang Akong Iglesia, ug ang mga ganghaan sa hades dili gayud makabuntog Niini.”

⁷⁴ Ang Basahon sa Pinadayag mao ang ulahing Basahon sa Biblia. Selyado kini ngadto sa mga dili-magtotoo. Dinha, nagaingon ang Biblia, sa ika-22 nga kapitulo, “Ang si kinsa man nga magataktak og usa ka Pulong gikan Niini, o magadugang og usa ka pulong Niini, pagataktakon Ko ang iyang bahin sa Libro sa Kinabuhi.” Mapamalandongan nato kana, dayon, nga gikahatag kini tanan alang ngadto sa mga magtotoo. Ug ginaablihan Niini ang Basahon sa Pinadayag ug ginapahayag kung Kinsa ang Tagsulat sa tibuok niini nga Libro. “Angay Siyang tan-awon ingon nga Alfa og Omega,” gikan sa Genesis ngadto sa Pinadayag, si Jesus Cristo ingon nga mao lang sa gihapon, diretso hangtud sa tumoy. Ug ginapadayag ang tibuok tinago mahitungod sa Iyang Kaugalingon, ug ang Iyang mga plano alang sa nagasingabot nga mga kapanahonan sa Iyang iglesia, ug giselyohan didto sa pito ka mga Selyo.

⁷⁵ Karon, nahisulat ang maong Libro, apan bisan pa man, hinumdumi, nga giselyohan Kini sa Pito ka Selyo. Ug kining Pito ka Selyo dili pagaablihan (Pinadayag 10) hangtud sa pagtingog na sa ulahing manolunda sa yuta, Pinadayag 10:7. Kita n’yo? “Ug sa mga adlaw sa pagtingog sa Mensahe sa ulahing manolunda, sa ikapitong manolunda, ang tinago sa Dios pagatumanon na sa

nianang kapanahonan.” Kana, ug mao kana ang kapanahonan nga atong ginapuy-an.

⁷⁶ Nahibalo kita nga nagapuyo na kita sa Kapanahonang Laodicea. Wala na gayu’y lain pa nga mosunod nga kapanahonan. Dili kini mahitabo. Busa, ania na kita sa maong Kapanahonang Laodicea. Ug kining Pito ka mga Selyo nga nagselyo niana nga Libro, mao’y usa ka tinago sa mga tawo, kinahanglan nga maablihan na nianang adlaw. Mao kana ang Iyang gisaad. Karon, dili gayud mahimo kini nga butang nga gawas sa Pulong, tungod kay dili ka makadugang sa Pulong o makataktak man sa Pulong. Kinahanglan nga magpabilin Kini nga sa kanunay mao ang Pulong. Apan ang pinadayag mao ang pagpadayag sa Kamatuoran Niini, kung unsa Kini, aron motakdo Kini sa uban pang Kasulatan. Ug ginapanghimatud-an kana dayon sa Dios nga mao ang Kamatuoran. Kita n’yo?

⁷⁷ Wala magkinahanglan ang Dios og tighubad. Siya ang Mismo Niyang tighubad. Siya ang nagahimo sa Kaugalingon Niyang paghubad pinaagi sa pagtuman sa mga butang nga giingon Niyang magakahitabo. Sama, sa sinugdan, miingon Siya, “Motungha ang kahayag,” ug nagkaaduna og kahayag. Wala na kana magkinahanglan og paghubad. Gipanghimatud-an kadto.

⁷⁸ Karon, nagsaad Siya og pihong mga butang sa niining ulahing adlaw, diha sa Kasulatan. Aba, anaa na kini.

Ingong niana kung unsa nga si Jesus mao ang Anak sa Dios. Iyang gisaad nga igapadala Siya. Sa dihang ania pa Siya sa Iyang mga adlaw dinhi sa yuta, ug ang mga tawo dili makatoo Kaniya, miingon Siya, “Susiha ninyo ang Kasulatan, kay nagahunahuna man kamo nga diha Kanila may Kinabuhi kamo nga Wala’y Katapusan, ug Kini Sila mao ang nagapanghimatuod Kanako. Kung wala Ko ginabuhat ang mga buhat sa Akong Amahan, kung ingon-ana ayaw Ako tohi. Apan kung dili kamo makatoo Kanako, tohi ang mga buhat nga Akong ginapamuhat, kay sila mao ang nagapamatuod kung Kinsa Ako.”

⁷⁹ Bueno, kaniadto, sa kapanahonan ni Wesley, ang mga buhat nga iyang gipamuhat niadto maoy nagpamatuod kung kinsa siya.

Sa kapanahonan ni Luther, niadtong repormasyon, aba, sigurado, nagpamatuod kadto kung kinsa siya.

⁸⁰ Sa mga adlaw sa mga Pentecostal, ang pagpanag-uli sa mga gasa, ang pagpanag-uli sa mga gasa, sa pagsulti og mga dila ug pagpagula sa mga yawa, ug ang mga gasa, aba, nagpamatuod kini. Wala’y binuang niini. Nanag-ingon ang mga tawo, sa unang pagtungha niini... Gibasa ko ang mga libro mahitungod sa kasaysayan sa Pentecostal. Miingon sila, “Dili kini magdugay. Mawala na ang pagdilaab Niini.” Nagadilaab pa kini sa gihapon. Ngano man? Maoy tungod nga dili mo gayud kini mapalong.

Nag-ingon ang Dios magakahitabo kini. Bahin kana sa Pulong, ug dili mo na gayud kana mapalong pa.

Ug dayon sa diha nga ginatawag na pagawas ang Pangasaw-onon, unsaon mo man pagpalong niana? Mao kini ang pagpadayag sa pagpahayag sa Pulong nga gipanghimatud-an. Ug nagapuyo na kita sa nianang adlaw; pagdalayeg ngadto sa Dios; ang maong pagpadayag sa tinago mahitungod sa Iyang Kaugalingon.

⁸¹ Karon, ang Pagsakgaw mao lang... Kining Pagsakgaw nga atong ginahisgotan, mao'y para lang sa Pangasaw-onon. Hinumdumi, nag-ingon ang Biblia, "Ug ang uban sa mga nangamatay dili sila mangabuhì pag-usab hangtud nga matapus una ang usa ka libo ka tuig." Kining dakung Pagsakgaw! Kung wala'y Pagsakgaw, mga higala, asa na man kita? Unsa na ma'y atong buhaton? Unsang kapanahonan na ang atong ginapuyan? Unsang saad ang ania kanato? Magkaaduna og usa ka Pagsakgaw. Ang Biblia nag-ingon nga magkaaduna gayud. Ug alang lang kini sa mga pinili, sa Piniling Babaye, ang Pangasaw-onon sa niining panahon, nga gibira na pagawas, ang Iglesia.

⁸² Ang pinaka pulong, *iglesia*, nagkahulogan "gitawag pagawas." Maingon nga nagtawag si Moises og usa ka nasud pagawas sa usa ka nasud, ang Balaang Espiritu nagapanawag og usa ka Pangasaw-onon pagawas sa usa ka iglesia; usa ka Iglesia pagawas sa usa ka iglesia; mga miyembro, gikan sa matag denominasyon, nga nagaporma sa usa ka Pangasaw-onon, kahoy'ng Pangasaw-onon. Anaa kini sa—sa teyp, *Ang Kahoy'ng Pangasaw-onon*. Usa ka Pangasaw-onon nga nagagawas, sa pagtawag, ug mao kana ang kahoy'ng Pangasaw-onon. Ang—ang Pangasaw-onon, diay, mao'y Usa nga maatua diha sa Pagsakgaw; kana, lang, wala na'y uban pa kondili ang Pangasaw-onon lang, ang maong mga pinili nga giila nang daan sa Dios sa sinugdan pa lang, ang espirituhanong mga binhi sa Amahan.

Mohunong lang sá ako dinhi sa makadiyut. Ug padayon akong nagkabalaka gayud, ginahunahuna nga mahawiran ko pa gyud kamo, mahawiran kamo sa madugay kaayo.

⁸³ Apan, himatikdi, tan-awa, ang matag-usa kaninyong mga tawo. Nasayod ba kamo, nga sa tinuig nga wala pa kamo natawo, atua na kamo sa inyong amahan ingon nga usa ka binhi? [Ang kongregasyon nagaingon, "Amen."—Ed.] Husto kana. Usa ka semilya, usa ka binhi, nga didto na sa inyong amahan; nga nagagikan sa lalaki, dili sa babaye. Kita n'yo? Babaye ang maong nagatagana sa itlog, nga usa ka semilyahanan. Apan ang semilya nagagikan sa ama- . . . Karon, pananglitan, sa akong amahan. . .

⁸⁴ O, ang anak kong lalaki nga ania dinhi, sa dihang dise sais anyos pa ang akong edad, ania na kanako ang akong anak. Dili ko pa siya naila niadto, apan anaa na siya dinha. Karon, pinaagi

sa usa ka semilyahanan, pinaagi sa usa ka balaan nga pagkasal, naporma siya sa hulagway ko. Naila ko na siya. Mahimo ko nang magpakigkauban kaniya. Ug miabot siya sa oras sa dihang tukma na gayud nga panahon.

⁸⁵ Karon, mao usab ikaw nga nakasulod na, kung anaa ka'y Kinabuhi nga Wala'y Katapusan, atua ka na niadto. . . sa Dios sa dili pa nagkaaduna og kalibutan. Usa ka ka bahin, usa ka anak sa Dios, usa ka kinaiyahan sa Dios. Nahibalo siya sa mismong kapanahonan nga pagatunghaan mo. Gikabut-an ka na Niya daan ngadto nianang kapanahonan, aron kuhaon kana nga puwesto, ug wala na'y uban pang makakuha niana; bisan unsa pa ka daghang mga pagpanundog ug ingon-anang mga butang. Kinahanglan gayud nga maatua ka didto, tungod kay nasayod Siya nga maatua ka gayud didto. Karon naipahayag ka na. Karon mahimo ka nang makipagkauban Kaniya, mao kana'y Iyang gusto. Nagapangandoy Siya sa pagpakigkauban, nga pagasimbahon. Apan kung ang imong kinabuhi dili nga. . . sa una pa'y usa na ka kinaiyahan sa Dios, usa ka lang ka awat-awat sa Cristianismo. Kita n'yo? Magkaaduna og minilyon ug binilyon sila, mamahimong mga awat-awat lang sila sa Cristianismo.

⁸⁶ Usa ka pagmatikud nga akong gisulti bag-o pa lamang. Ginalantaw ko niadto si Igsoong Demos Shakarian didtong dapita, niadtong nagapang-hybrid sila og mga vaca, nagatan-aw sa mga test tube, ug uban pa, nga gigamit sa mga doktor, ug ginatan-aw kining mga butanga.

⁸⁷ Diha sa mga literal nga mga nagagawas sa lalaki, adunay kapin kun kulang usa ka milyon ka mga semilya ang nagagawas sa lalaki sa matag higayon. Ug kapin kun kulang usa ka milyon usab ang nagagikan sa babaye sa—sa mao rang higayon. Apan nahibalo ba mo, nga sa tanan nilang gamay'ng mga semilya nga nagalihok-lihok, usa ka milyon sila, aduna lang usa kanila ang gikatagana ngadto sa kinabuhi, ug nga aduna'y usa lang ka mahimsog nga itlog? Ug ang kana nga gamay'ng semilya magakamang latas mismong matag usa kanilang uban pa nga gagmay'ng mga semilya, mismo sa ibabaw sa matag gamay'ng semilya nga pareho kaniya kon tan-awon, ug mokatkat sa ibabaw niana ug moanhi dinhing dapita, ug pangitaon kana nga mahimsog nga itlog ug mokamang pasulod niini. Ug mangamatay ang tanan nang uban pa kanila dayon. Aba, kung paghisgotan lang ang bahin sa pagkahimugso sa usa ka ulay, oh, wala kini katunga sa ingon ka-misterioso sama sa pisikal nga pagkahimugso, kung giunsa nga gikatagana na kini daan, gikabut-an na daan sa Dios!

⁸⁸ Karon, sa sinugdan, sa kaniadto pa, sa dinaghan nang nangaging katuigan sa wala pa misugod ang panahon, ikaw, kung usa ikaw na natawo na pag-usab nga Cristohanon, karong gabii, atua ka na kaniadto pa sa Dios, ang imong Amahan. Mao

kana kon ngano, nga sa dihang miabot ka niini nga kinabuhi dinhi ug nagpahayag og pagtoo sa Cristianismo, bueno, ang tanan na nagkagubot, nahibulong ka kon ngano *nagkaingon-anti*, ug tanan *niini*. Kini, nahibulong ka niini. Apan, usa niana ka adlaw, May Butang nga miigo kanimo. Unsa man Kadto? Ang kana nga Kinabuhi nga anaa na daan dinha, sa sugod pa lang. Ug kung kini . . .

⁸⁹ Sama sa hamubo kong estorya bahin sa agila, sa pagpangita niini, ang pagpangita sa inahan niini sa maong agila. Nadungog na ninyo akong nagwali niana, kung giunsa nga kanang gamay'ng agila napiso sa paglumlum sa usa ka himungaan. Apan ang maong himungaan, sa iyang pamatasan sa pagpakaon kanila—kanila nga mga manok, dili kini madawat sa maong gamay'ng agila, tungod kay dili man siya usa ka manok, sa sugod pa lang. Labot pa, atua siya sa koral sa mga manok, ug nagasunod-sunod sa maong manok. Apan mangkahig kini didto sa nataran sa kamalig ug kung unsa pa man, ug dili kini mauyonan sa gamay'ng agila. Ug sa matag kurukutok niini ug tanan na, manguban ang tanang gamay'ng mga piso, mao nga mouban usab siya. Apan usa niana ka adlaw . . .

⁹⁰ Nasayod ang iyang inahan nga nangitlog siya og duha ka itlog, dili nga usa ra. Aduna gayud usa pa, kon asa man kini. Miadto siya aron pangitaon kini, nga naglupadlupad, naglibot-libot. Sa katapusan nakaadto siya sa maong nataran sa kamalig, ug nakita niya ang iyang anak, ug misiyagit siya kaniya. Usa kadto ka tingog, nga, naamgo niya nga kana ang butang nga tukma gayud. Mao kadto kon unsa ang iyang ginapangita, kita n'yo, ug naamgo niya dayon nga dili siya usa ka manok. Usa siya ka agila.

Ug ingon niana, sa matag Cristohanon nga natawo na pag-usab, sa pagduol mo. Dili ko igsapayan kung unsa man kadaghan nang mga denominasyon ang giapilan mo, pila man ka ngalan, ang ginasulat mo nga ngalan sa mga libro ug ingon-anang mga butang. Sa diha nga kanang tinuod nga Pulong sa Dios gipanghimatud-an ug napamatud-an nga matuod sa imong atubangan sa ingon niana, naamgo mo nga usa ikaw ka agila, dihadiha dayon. Tungod kay, tanan niining mga pagkurukutok sa himungaan, “Pasakup ka *niini* ug pagpasakop *niini*, ug pag-adto ka *niini* ug pag-adto ka *niana*,” wala kini pulos. Ang mahinungdanon mao ang usa ka tinuod gayud, ang gipatong nga Pulong ibabaw sa Pulong.

⁹¹ Sa diha nga ang usa ka semilya nagasulod na sa tagoangkan sa—sa babaye, wala niini ginakuha ang . . . Ikaw, wala ka nahimo nga usa ka semilya sa tawo nga gikan sa imong amahan, ug dayon ang sunod nga butang mao nga nahimo ka nang usa ka semilya gikan sa usa ka iro, ug ang sunod gikan na sa usa ka iring, ang sunod butang gikan na sa usa ka manok. Semilya lang kini sa tawo.

Ug ang lawas ni Jesus Cristo, ang Pangasaw-onon, mamahimong kabahin sa Iyang Lawas. Nga maoy . . . Siya mao ang Pulong, ug ang Pangasaw-onon mamahimo gayud nga Pulong; ang Pulong nga gipatong ibabaw sa Pulong, gipatong sa Pulong. Ang kay Luther nga pagkamatarung, ang kay Wesley nga pagkabalaan, ang sa pentecostal nga bautismo sa Balaang Espiritu, ang pagpanag-uli sa mga gasa, ug ang tanang uban pa Niini, nagauban Niini. Kita n'yo? Gikinahanglan nga Kini Pulong gayud ibabaw sa Pulong, semilya ibabaw sa semilya, Kinabuhi ibabaw sa Kinabuhi, aron mahipadayag gayud ang kahupnganan sa bantayog sa Pangasaw-onon ni Ginoong Jesus Cristo. Karon, hinumdumi, ikaw niadto usa ka kinaiyahan.

⁹² Ug karon, ang butang niini, pagkahuman nga nahibaloan na nato kining mga butanga, nga si Cristo Paanhi na alang sa Iyang Pangasaw-onon, karon unsaon man nato pagsulod nianang Pangasaw-onon? Mao kana ang pangutana.

Daghan ang nagaingon, “Pagpasakop sa among kongregasyon.” Gusto sa usa kanila ang usa ka matang sa pagbautismo. Ang gusto sa usa nga buhaton sa *niini* o sa *niana*. Miingon ang usa, “Kinahanglan nga magsulti ka sa laing mga dila, o wala mo pa nadawat Kini.” Miingon ang laing usa, “Dili mo na kinahanglan pa nga mosulti og laing mga dila.” Nagaingon *kining* usa, “Kinahanglan nga mosayaw ka diha sa espiritu.” *Niini* usab nagaingon, “Kinahanglan nga mosinggit ka.” Ang *niini*, “Kinahanglan nga may sensasyon.” Ang tanan niini maayo man, ug dayon, sa gihapon, sayup kini tanan.

Unsaon man sa usa ka tawo nga . . . o usa ka babaye, o usa ka anak sa Dios, nga natawo na sa Espiritu sa Dios, ipanghimakak ang Pulong sa Dios? Sa dihang, ang Dios mismo ang nagahubad Niini ug nagaingon, “Mao na Kini. Akong gisaad Kini. Ania na Kini,” nga ginapakita Kini sa ingon ka klaro nga mahimo Niini. Aba, siguradong makita gyud nila Kini. Kita n'yo? Unsaon man pagsalikway ni Cristo sa Iyang Kaugalingong Pulong? Ug kung anaa man si Cristo kaninyo, dili gayud Niini mahimong isalikway ang Kaugalingon Niyang Pulong.

⁹³ Kung ingon-ana unsaon man nato pagsulod niining Lawasa? Nahaunang Mga Taga-Corinto 12, “Kay pinaagi sa usa ka Espiritu gibautismohan kita ngadto niini nga Lawas, pinaagi sa usa ra ka pagbautismo sa Balaang Espiritu.” Kana, kung gusto ninyong isulat kana, sa Nahaunang Mga Taga-Corinto 12:13 kini. “Ug pinaagi sa usa ra ka Espiritu kita nabautismohan.” Ug ang maong Espiritu mao ang Kinabuhi ni Cristo. Husto ba kana? [Ang kongregasyon nagaingon, “Amen.”—Ed.] Ang Kinabuhi ni Cristo! Ug ang kinabuhi sa unsa man nga binhi . . . Nga, Siya mao ang Binhi nga Pulong, nga maoy Nagapabuhi sa Binhi. Nakuha ba ninyo kini? Kung kana—kung kanang Kinabuhia anaa sa maong Binhi, ug kining bautismo sa Balaang Espiritu nagaabot diha Niini, siguradong ipahigawas niana ang Kinabuhi sa Binhi.

⁹⁴ Sa gikaingon ko na kaninyo, dinhi sa Phoenix, dili pa dugay. Nagapakig-estorya ako niadto kang Igsoong John Sharrit. Atua ako didto, ug iyang gipakita kanako ang usa ka punoan, usa ka citrus. Siya—nagtanum siya og daghang bunga sa citrus. Ug nagpakita siya kanako og usa ka punoan, aduna kini og walo o siyam ka nagkalahi-lahi nga matang sa mga bunga diha niini. Ug ingon ko, “Igsoong Sharrit, unsa man nga matang kana nga punoan?”

Miingon, “Usa ka punoan sa orange.”

Ingon ko, “Nganong na-lemon man, ug na-tangerine, ug na-tangelo, ug na-kahil man?”

Miingon siya, “Prutas kana tanan nga citrus. Mga sinumbak sila.”

“Oh,” ingon ko, “Nasabtan ko na. Karon, sa sunod tuig, orange na kini tanan. Mahimong . . .”

⁹⁵ “Oh, dili. Ang matag punoan mamunga sa iyaha. Ang matag sanga magapamunga sa iyang kaugalingon niining bunga.”

⁹⁶ Daghan kaninyong mga magtatanum sa prutas ang nakahibalo niana, dinhi niining walog sa mga citrus. Igapamunga niini ang iyang matang niini. Isumbak mo ang sanga sa usa ka lemon diha sa punoan nga orange, magapamunga kini og mga lemon, tungod kay mao kini ang kinaiyahan sa usa ka citrus nga prutas. Labot pa, dili igapamunga niini ang maong orihinal nga bunga.

Ug mao kana ang atong gihimo. Atong gisumbak pasulod, gipangpasulod ang mga kredo, ug uban pa, ug gisumbak ang matag niini pasulod, Dinhi. Unsaon man pagpamunga sa mga Methodist og unsa pa man gawas sa usa ra ka anak nga Methodist? Unsaon man pagpamunga sa bisan unsa nga denominasyon og unsa man gawas sa usa ra ka anak nga pang-denominasyon?

⁹⁷ Apan kung kana man nga kahoy mopatubo man og usa ka orihinal nga sanga, magapamunga gayud kini og mga orange.

Ug dayon kung ang Dios aduna ma’y buhaton og bisan unsa man sa Iglesia, mamahimo gayud kini nga orihinal, balik kini sa Pulong pag-usab. Eksakto. Mamaingon gayud Niini, kay ang Kinabuhi anaa man sa maong Kahoy, ug ginapamunga Niini ang kaugalingong matang Niini.

⁹⁸ Karon, sa diha nga nahibaloan na nato, karon, nga aduna kanang daku nga iglesia nga nagpadayon, latas sa mga kapanahonan, nga ginapamunga ang bunga niini. Ug sa diha nga ang maong mga sanga nagakalaya na, ila kining ginapamutol. Diha sa San Juan 15, wala gayud giputol ang Punoan sa Ubas, karon. Iyang gipangtangtang ang mga sanga, gipangputol sila, tungod kay wala sila namunga og unsa man nga bunga. Ug—ug kita’y . . .

⁹⁹ Gusto ni Jesus og bunga, para sa Iyang Kaugalingon. Ang Iyang Asawa kinahanglan nga mamunga gayud og matang sa mga anak nga kamatang Niya.

Dayon, kung wala kini nagapamunga og mga anak, mga anak nga Pangasaw-onon, mga anak nga Pulong, kung ingon-ana anak kini nga pang-denominasyon. Dayon, ang iyang nahaunang gugma, alang sa kalibutan ug denominasyon, mibalik siya niana. Ug dili kini mahimong mamunga og usa ka tinuod, lunsay, natawo na pag-usab nga Cristohanon, tungod kay wala’y bisan unsa man dinha aron nga igapamunga Kini.

¹⁰⁰ Sama lang kung mokuha ka og usa ka sanga sa lemon ug isumbak kini dinha, mamunga kini og usa ka lemon, apan dili kini mahimong mamunga og usa ka orange, tungod kay kini wala man dinha sa sugod pa lang. Apan gibut-an na kini kaniadto pa sa sinugdanan, sa daang-pagkahibalo sa Dios, nga gipili na nga daan ug gipakatawo, mamunga gyud kini og usa ka orange. Dili mahimo nga mamunga Kini og uban pa.

¹⁰¹ Ingon niana sa Iglesia sa buhing Dios, sa dihang moabot na ang takna. Ang tanan . . . Tugoti ang Dios sa pagsugod og buhat sa usa ka butang, ang tanan mikuha na og bola ug wala na. Kita n’yo? Ingon na niana kini sa una pa.

Mibasa ako niadto og kasaysayan, mahitungod kang Martin Luther, dinhi dili pa lang dugay. Nag-ingon, “Ang . . . Dili lisod katoohan nga makaprotesta sa iglesiang Katoliko si Martin Luther kaniadto ug makalusot niini. Apan,” miingon, “ang talagsaong butang, mao nga mahimo niya nga padayon ilabaw ang iyang ulo ibabaw sa tanang panatisismo nga misunod sa iyang rebaybal, ug nga makapabilin nga tul-id sa gihapon diha sa iyang pagkamatarung.” Kita n’yo? Ang tanan na gayud, mga pagpanundog ug tanan na, misunod kaniya.

¹⁰² Tan-awa si Mrs. Semple McPherson, si Aimee Semple McPherson, nga adunay templo sa dapit dinhi. Ang tanan nang mga babaye nga magwawali aduna na niining matang sa mga kuwelyo, ug nga dala-dala ang Biblia sa mao rang paagi, mga karnal gayud—gayud nga mga pagpanundog!

Dili gayud sila mahimong orihinal. Sa ingon niana nga dili gayud mamahimong orihinal ang mga iglesia. Tugoti nga magkaaduna og usa ka butang nga lahi ang usa ka iglesia sa siyudad, dili kini mapasagdan sa usa pa ka iglesia. Sundogon nila kini. Kita n’yo? Dili na sila orihinal pa.

Orihinal ang Pulong sa Dios. Kini ang Pulong, ug kinahanglan nga igapamunga Niini ang Iyang matang Niini; ang Iyang matang Niini sa Iyang tukmang panahon Niini, pinili, gipili nang daan sa Amahan, ang Dios.

¹⁰³ Karon unsaon man nato pagsulod niining Iglesiaha? “Pinaagi sa usa ka Espiritu gibautismohan kitang tanan ngadto niining usa ka Lawas, ang Lawas ni Cristo,” nga mao ang

Pangasaw-onon, ang Pulong. “Gibautismohan dinha pinaagi sa Balaang Espiritu.”

¹⁰⁴ Karon himatikdan nato kung ania na ba kita sa kaulahiang kapanahonan, o dili pa. Karon masayran nato, kung balikan nato diha sa Genesis, mahitungod sa, oh, sa mga ika-5 nga kapitulo, inyo usab mahimong paklion ngadto sa Lucas ug mahibaloan, nga si Enoch mao ang ikapito gikan kang Noe. Si Enoch.

Dinha masapon ang binhi sa serpente. Kay, kung si Cain anak pa ni Abel, kung ingon-ana siya ang ikawalo. Kita n’yo? Apan dili gayud makita diha sa Biblia nga nag-ingon kini nga si Cain anak ni Abel. . . o si Cain—o nga si Cain anak ni Adan. Tungod, nga, ang Biblia nag-ingon, “Iya kadto siya nianang maong dautan.” Ug si Adan dili ang maong dautan. Kita n’yo? “Iya kadto siya nianang maong dautan.”

¹⁰⁵ Karon makita nato dinhi nga si Enoch mao ang ikapito gikan kang Noe, nga mao ang tipo sa mga kapanahonan sa iglesia. Karon, ang tanang uban ka unom nga kalalaken-an, nga nauna kaniya, nangamatay, apan gilalin si Enoch. Gisakgaw si Enoch, ang ikapito, nga nagapakita nga ang ikapito nga kapanahonan sa iglesia mao ang modawat sa Pagsakgaw. Karon, wala’y pagduhaduha, nga ania na kita sa ikapito nga kapanahonan sa iglesia. Nasayod kitang tanan niini.

¹⁰⁶ Karon, ang ikapito nga kapanahonan sa iglesia mao ang modawat sa Pagsakgaw. Ang tanang uban pa nga unom nangamatay. Apan gilalin si Enoch, tungod kay, “Wala siya hikit-i. Gilalin man siya sa Dios.” Apan si Enoch, nga gisakgaw, usa ka tipo nga ang tanang uban pa kanila mangamatay. Apan ang—ang Pangasaw-onon sa katapusang panahon pagatawagong pagawas sa. . . Ang pagsakgaw, nga wala na’y kamatayon, pagatawagong gikan sa ikapito nga kapanahonan sa iglesia, nga ato na karon ginaksihan kana nga kapanahonan. Oh, sus! Susihon nato karon, og halawum gayud. Kita n’yo?

¹⁰⁷ Karon, dinhi, usab, usa ka tipo sa pito ka kapanahonan sa iglesia, nga, sa Pinadayag 10:7, nga ang dakung tinago sa Libro igapadayag na pinaagi sa Mensahe sa maong ikapito nga manulonda.

¹⁰⁸ Karon, adunay Mensahero sa itaas, sa kanunay, ug usa ka mensahero sa yuta. Ang Eninglis nga pulong nga *angel* nagkahulogan og “usa ka mensahero.” Ug sa Mensahe sa ikapito nga manulonda, samtang nga siya nagapahayag, sa iyang ministerio, “dayon nga sa diha nga nagasugod na siya pagpahayag sa iyang ministerio,” dili nga sa dihang nagsugod pa siya.

Si Jesus, sa diha nga nagsugod Siya, nagsugod Siya diha sa pagpang-ayo sa mga masakiton ug sa mga balatianon. “Oh, ang kanang dakung Rabbi! Siya’y usa ka Propeta.” Ang tanan nangandoy Kaniya diha sa ilang iglesia.

Apan sa diha nga naglingkod na Siya usa ka adlaw, ug miingon, “Ako ug ang Akong Amahan Usa ra,” lahi na kadto. Lahi na gayud kadto. “Ug gawas kung kamo mokaon sa unod sa anak sa Tawo, ug moinom sa Iyang Dugo, kamo wala’y Kinabuhi diha kaninyo.”

“Aba, usa Siya ka bampira!” Kita n’yo? Kita n’yo? Lahi na kadto.

Wala Niya kadto gisaysay. Ila nang nakita ang maong pagpadayag, ang pagpanghimatuod sa Pulong sa Dios alang sa Iyang kapanahonan, gipanghimatud-an ug gipamatud-an na ngadto kanila nga Siya mao ang kadtong Mensahero alang niadtong kapanahonan. Ug dili na Niya kinahanglan pang isaysay ang unsa pa man.

¹⁰⁹ Tingali dili mahimong isaysay Kadto niadtong mga tinon-an. Apan ilang gitooan Kadto, mahimo man nilang isaysay Kadto o dili man. Mipabilin lang sila paglingkod ug gitooan Kadto. Unsaon man nila pag-ingon kung mokaon ba sila sa Iyang unod ug moinom sa Iyang Dugo? Aba, imposible kadto alang kanila nga buhaton kini. Apan ila Kining gitooan, tungod kay sila gikatagana na. Miingon si Jesus nga Iyang “gipili sila sa wala pa ang pagkatukod sa kalibutan.” Kita n’yo? Ilang gitooan kini. Mahimo man nilang isaysay kini, o dili man, ila Kini gitooan sa gihapon.

¹¹⁰ Karon bantayi, karon, sa ikapitong kapanahonan sa iglesia, “Sa diha nga ang ikapitong manulonda nagasugod na sa pagtingog, mahipadayag na mismo dinha ang mga tinago sa Dios,” ang mga Selyo.

Niana, ang mga tigreporma nga . . . nagkaaduna sila’g mga panahon kaniadto. Wala nabuhi og igong kadugayon si Luther, mao usab si Wesley. Wala magdugay og igo ang mga kapanahonan, silang mga tigreporma. Adunay ilang mensahe niadtong ilang panahon, ug migunit ang mga tawo niini ug nanghimo’g denominasyon niini. Ug unsa man kini?

¹¹¹ Dili gayud ninyo mahimong daugon ang kinaiyahan. Kanunay’ng nagapamatuod ang kinaiyahan. Nagapamuhat ang Dios nga walay pagkausab sama sa kinaiyahan. Mao gayud kini.

Sama sa adlaw. Nagasubang ang adlaw diha sa kabuntagon, usa pa kini ka gamay’ng masuso nga natawo. Mahuyang pa kini, wala pa’y ingon kaayo nga init diha niini. Pagka-alas diyes, pagawas na kini sa high school. Pagkatunga-tunga sa adlaw, pasulod na kini sa kinabuhi. Pagka-alas tres sa hapon, nagakatigulang na kini. Pagka-alas singko, himalatyon na. Tigulang na ug maluya na pag-usab, pabalik na ngadto sa lubnganan. Mao na ba kana ang katapusan niini? Nagasubang kini pag-usab, sa pagkasunod buntag. Kita n’yo?

¹¹² Tan-awa ang mga kahoy, kung ginaunsa nila pagpangdahon, ang tanan nga ilang ginabuhat. Karon atong masayran, nga

nagakahulog ang mga dahon sa kahoy, nagapamalik. Unsa man? Nagapanaug ang kinabuhi ngadto sa gamut sa kahoy. Mao na ba kana ang katapusan niini? Nagabalik kini pagkasunod nga tingpamulak, nga aduna na'y bag-ong kinabuhi.

¹¹³ Karon tan-awa ang mga kaiglesiahan, kung giunsa nga ingon niana usab ang gibuhay niini niadtong repormasyon. Mitungha kini. Nahulog sa yuta kadtong lugas sa trigo ug namatay, ilalum niadtong mangiub nga kapanahonan sa pagpanglutos. Nalubong kini ngadto sa yuta. Gikinahanglan kadto mamatay. Ang si kinsa man nga tawo, nga espirituhanon, makakita niana. Nga, gawas nga kana nga binhi mamatay ug madunot, magapabilin kana nga nag-inusara. Ug gikinahanglan nga malubong kini sa yuta, ilalum sa mangiub nga kapanahonan. Nalubong kini didto, nadunot. Ug mitubo sa duha ka gamay'ng mga dahon sa iglesiang Lutheran. Sugod sa iglesiang Lutheran, nagdala pa og dugang nga mga dahon, sila Zwingli ug uban pa. Gikan niana misaka na paingon sa uhay, nga mao si John Wesley, ang dakung kapanahonan sa pagpang-misyon. Nahulog kini balik. Sugod niadto mitungha kadtong malimbongon nga kapanahonan, kadtong kapanahonan sa Pentecostal. Ang kadtong lugas sa trigo, nga . . .

¹¹⁴ Aduna ba gayud, dinhi, ang nakapagpananum na og unsa mang trigo? Tutokan mo kanang trigo pagtan-aw mo niini. Paggawas mo didto, moingon ka, "Aduna na ko'y trigo." Kung tan-awon daw sa aduna ka na'y trigo didto. Ablihi og tarong kini ug tan-awa. Wala man lang ka'y unsa mang trigo. Aduna ka'y tipaka. Dili ba nga gipasidan-an na kita ni Jesus niana, sa Mateo 24:22 . . .-kuwatro? "Sa ulahing mga adlaw, nga, ang maong duha ka espiritu mamahimong halos magkapareho na gayud, pagalimbongan niini ang pinili nga trigo Mismo kon arang pa mahimo." Kita n'yo? Karon bantayi. Usa kini ka tagadala.

¹¹⁵ Karon, ang maong Kinabuhi nga miabot kang Luther mao ang nagpatungha kang Wesley. Ang maong Kinabuhi nga migawas kang Wesley mao ang nagpatungha sa Pentecostal. Ang maong Kinabuhi nga migawas sa Pentecostal mao ang nagpatungha sa trigo. Apan sila ang mga tagadala. Kita n'yo? Nagaagi dinha ang tinuod nga Kinabuhi. Nagaagi ang Mensahe, apan paingon na Kini ngadto sa trigo. Mao kana ang hinungdan nga migawas ang trigo ug nagahatud sa maong tibuok butang sa Pagsakgaw, dinhi sa itaas. Ang Pangasaw-onon, Mismo, nagagikan sa matag kapanahonan. Apan ang pang-denominasyon nga lindog nagakamatay, nagakalaya ug nagakamatay. Inyo bang nahimatikdan, sa niining ulahing mga adlaw, kung giunsa na niini pagsugod sa pagbuka nga nagapahilayo na sa karon? Sa diha nga kanang lugas nagasugod na pagdaku, dayon ang—ang tipaka nagasugod na pagbuka pahilayo Niini.

116 Pagtutok balik nianang gamay'ng trigo sa pagtan-aw mo niini. Biraha pag-abli sama *niini*, ug tan-awa ang sulod niini ug makita mo. Aduna ka na'y gamay'ng udlot sa trigo dinha. Kinahanglan mong mogamit og usa ka mikroskopyo nga adunay traynta ka pilo ang kakusog aron tan-awon ang sulod niini, aron makita ang gamay nga udlot sa trigo dinha. Kita n'y'o?

Anaa kini sa kinasuloran dinha, apan nagasugod na kini pagdaku. Karon, kinahanglan nga anaa ang tipaka dinha, aron salipdan Kana, aron hatagan Kini og kahigayonan nga makagawas. Apan sa diha unya nga nagasugod na Kini sa pagdaku ug ang Mensahe nagasugod na pagkaylap, dayon nagabuka na pahilayo Niini ang tipaka. Ug nagagawas na mismo ang maong Kinabuhi gikan nianang tipaka, paingon na mismo sa lugas. Padayon! Sa ingon niana nahuman ang matag kapanahonan. Dili gayud—dili gayud niini madaug ang kinaiyahan. Kini. . . Ingon niana ang walay pagkausab sa Dios, ang pamaagi nga nagapamuhat Siya og mga butang.

117 Ug mao kana karon ang kapanahonan nga atong ginapuy-an sa karon mismo, ang ikapitong kapanahonan sa iglesia. Karon, ang tanan niini madayag diha sa lugas sa trigo sa kaulahian, usa na usab ka pagkabalik. Karon, kung tan-awon ninyo sa Lucas sa ika-17 nga kapitulo ug ang ika-30 nga bersekulo, nag-ingon Siya, “Maingon sa nahitabo kaniadto sa mga adlaw sa Sodoma, maingon man usab niini sa adlaw sa pag-anhi sa Anak sa tawo, sa diha nga sugod nang ginapadayag sa Anak sa tawo ang Iyang Kaugalingon.” Unsa man ang *ipadayag*? Ang pagbuhat sa Iyang pagpadayag kung unsa gayud Siya sa karong adlaw. Ipadayag, ngadto sa mga tawo, ang Pulong nga mao'y gipahayag alang sa maong adlaw. Ipadayag, ngadto sa mga tawo, pinaagi sa kapadayagan sa Balaang Espiritu nga nagahimo nianang Jesus nga buhi sa atong taliwala. Ug, hinumdumi, girepresentar Siya kaniadto sa usa ka tawo. Usa ka tawo! Nag-ingon Siya, “Maingon sa nahitabo kaniadto. . .” Karon, Iyang gibasa ang mao rang Biblia nga atong ginabasa, ang Genesis. Karon, atong mahimatikdan dinha nianang kapitulo sa Genesis, sa dihang nagahisgot si Jesus niadto bahin niini.

118 Makita nato dinha, nga, niadto, nga nakatalikod Siya niadto sa balongbalong, ug atua sa sulod sa balongbalong si Sarah. Miingon Siya, nangutana Siya. Ug wala siya mitoo nga ang gikatakda nga mahitabo mahimong mahitabo. Miingon Siya, “Karon, Abraham, pagaduawon Ko ikaw pagmoabot na ang panahon.” Kita n'y'o? Ug si Sarah, didto sulod sa balongbalong, mikatawa niini. Miingon Siya, “Nganong mikatawa man si Sarah, sulod sa balongbalong, nga nagaingon, ‘Unsaon man pagkahitabo niining mga butanga?’”

119 Nagsaad si Jesus. Ug Kadto mao Siya. Gitawag Siya ni Abraham, “Elohim,” ang Makagagahum sa Tanan. Kadto mao Siya. Karon, nagatagna ang Biblia nga magabalik kini

pag-usab sa ulahing mga adlaw. Mao ang giingon ni Jesus. “Ug inigkakita ninyo niining mga butanga nga sugod nang nagakahitabo,” hinumdumi lang, sa diha nga kini nagasugod na nga nagakahitabo nga sama niana kung ingon-ana, kana, “masayran ninyo nga haduol na ang takna nga anaa na gayud sa pultahan.”

¹²⁰ Tan-awa mismo ang kalibutan. Tan-awa ang kalibutan, ang Sodoma, kung aduna ma’y Sodoma. Tan-awa ang mga tawo nga nagkabalit-ad na sa ingon na gayud nga pagkabalit-ad. Nagkabalit-ad na ang ilang mga hunahuna. Wala na sila nakahibalo kung unsa na ang kaligdong nga pamtasan. Tan-awa ang mga tulisan . . . [Blangko nga bahin sa teyp—Ed.] . . . mga makihilawasnon ug tanan na.

Ug tan-awa ang atong mga kababayan-an, kung unsa nang pagpasagad ang nahitabo niini. Tan-awa kung unsa na nga pagpasagad sa kalaw-ayan, sa pagkawala na’y kaulaw sa atong mga kababayan-an. Ug dili lang ang atong . . .

Moingon ka, “Mga Methodist kana.” Mga Pentecostal kana, usab. Ang tibuok kining butang.

¹²¹ Tan-awa ang atong mga kalalaken-an. Nagapabilin sila, imbis nga sa Pulong sa Dios, sa kung unsang diyutay’ng tradisyon sa denominasyon. Sila’y nagapabilin dinhi, imbis nga manggawas na sa dihang ilang nasaksihan ang Dios nga bug-os nang nagapaila sa Iyang Kaugalingon. Ang hinungdan, mga buta sila. Dili nila Kini makita. Dili gayud nila makita Kini.

Karon tan-awa kung unsay magakahitabo dinhi, samtang dalion nato.

Siguro gusto na nianang babaye nga mohawa na kita. Nakita ko siya nga nagasenyas sa iyang kamot, butang kung unsa pa man nga gusto na niya kitang mohawa, busa maayo pa nga dalion na nato.

¹²² Busa karon himatikdi si Enoch, ang tipo sa Iglesia. Dinhi gitipo usab siya sa ikapito nga kapanahonan sa iglesia. Mahunahunaan n’yo ba kana? Ang ikapitong kapanahonan sa iglesia! Himatikdi. “Sa pagtingog na . . .”

¹²³ Pila man ang nagatoo nga nagkaaduna na’y pito ka mensahero alang sa pito ka mga igle- . . . Oh, kitang tanan nagatoo niini, kung nagatoo kita sa Biblia. Kung wala kita nagatoo sa Biblia, siyempre, kita n’yo, wala nato ginatohan kini. Apan, nagkaaduna gayud.

¹²⁴ Karon nagapuyo kita diha sa ikapito nga kapanahonan sa iglesia. Ug sa giingon na kana sa Biblia, kining ikapito nga kapanahonan sa iglesia, “Sa diha nga ang mensahero sa ikapito nga kapanahonan sa iglesia nagasugod na pagtingog sa iyang Mensahe, nga ang mga tinago sa tanang mga butang nga nangatuis na sa una pa, sa mga kapanahonan, igapadayag na sa

nianang panahona.” Atong makita kini dinhi, ang Anak sa tawo nga nagaabot taliwala sa Iyang mga tawo ug nagapamuhat sa eksakto gayud, nga nagapanghimatuud sa Iyang Mensahe sama sa Iya nang giingon nga Iyang pagabuhaton. Dinhi na nato kini makita, sa niining ulahing kapanahonan karon.

¹²⁵ Ug ang pito ka mga pagtukaw, sama sa pitong pagtukaw, bahin sa usa nga moabotay. Wala siya miabot sa nahaunang pagtukaw, sa ikaduha, sa ikatulo, sa ikaupat, apan miabot sa ikapitong pagtukaw. Kadto mao si Enoch, ang ikapito, nga gilalin na. Ug si Noe, ingon nga usa ka tipo sa mga nahibilin nga mga Judio, mao ang mga pagadalhon patabok. Karon, sa mga panahon sa Biblia, sa paghisgot bahin sa mga pagtukaw. Ug wala niadto gibahinbahin ang mga gabii sa inoras, niadtong panahon sa Biblia.

¹²⁶ Karon paminaw og maayo. Kay, dalion ko na karon, kay kinahanglan na nila ang lugar. Dili. Wala niadto nabahinbahin ang Biblia, o—o. . .

¹²⁷ Wala niadto gibahinbahin ang gabii sa inoras, niadtong panahon sa Biblia. Nabahinbahin kadto sa pagtukaw. Aduna niadto og tulo ka mga pagtukaw. Karon, ang nahaunang pagtukaw nagsugod gikan sa alas nuebe hangtud sa alas dose. Nagsugod ang ikaduhang pagtukaw gikan sa alas dose hangtud sa alas tres. Ug ang ikatulo nga pagtukaw sa gabii gihap sugod sa alas tres hangtud alas sais. Karon aduna kita’y tulo, tulo ka tutulo, nga mao ang siyam, dili hingpit nga numero. Dayon nagabalik kita ngadto sa pito alang sa Pagsakgaw, nga magakahitabo, sa pagtoo ko, tali sa alas sais ug alas siete. . . o alas sais ug alas nuebe, usa ka buntag. “Kay pagapatunggon na ang trumpeta sa Ginoo.”

Sa nianang mahayag ug wala’y dag-um
nga kabuntagon sa diha nga ang mga
nangamatay diha kang Cristo mamangon,
Ug ang kahimayaan sa Iyang pagkabanhaw
pagaambitan na;
Sa diha nga ang Iyang mga pinili mangtigum
na ngadto sa ilang mga puluy-anan luyo sa
kawanangan,
Sa diha nga ginatawag na ang mga ngalan
didto, maatua ako didto.

¹²⁸ Ang pulong nga Rapture, diha sa Biblia, wala man lang gigamit. Ato lang gibutang kana nga pulong dinha. Ang ginaingon sa Biblia, “gilalin paibabaw; nga ginalalin paibabaw.” Atong mabasa dinhi sa Ikaduhang Mga Taga-Tesalonica. . . O, sa Nahaunang Mga Taga-Tesalonica, kini ang pagsunodsunod niining dakung Pagsakgaw nga magakahitabo sa ulahing mga adlaw. Paminawi kini dinhi. Atong sugdan dinhi sa ika-13 nga bersekulo.

. . . dili namo buot nga inyong . . . dili mahibaloan, mga igsoon, ang mahatungod sa mga nangatulog na, aron kamo dili managsubo, bisan ingon sa uban nga walay paglaum.

Kay kung nagatoo kita . . . namatay si Cristo ug nabanhaw, ingon man usab sila . . . nga mga nangatulog kang Jesus pagadad-on sa Dios uban kaniya.

Kay kini ginaingon namo kaninyo sumala sa pulong sa Ginoo, nga kita nga mga buhi ug managpabilin hangtud sa pag-abot sa Ginoo dili magauna . . . (Kanon pulong magauna nagkahulogan og aron “pugngan.”) . . . kadto nga mga nangatulog.

Kay ang Ginoo gayud mao ang manaug . . .

Karon paminaw og maayo.

. . . ang Ginoo gayud mao ang manaug gikan sa kalangitan inubanan sa usa ka singgit, ug sa usa ka tingog sa punoan sa mga manulonda, ug . . . sa trumpeta sa Dios: ug ang nangamatay diha kang Cristo mangabanhaw pag-una: . . .

¹²⁹ Gusto ko nga inyong himatikdan ang usa ka dakung butang nga nagakahitabo na karon dinhi. Ayaw sipyata kini. Kita n’yo? Karon himatikdi. Ang Pulong nagaingon dinhi, sa Ikaduhang Mga Taga-Tesalonica, nga adunay tulo ka mga butang. Himatikdi. Gikan sa ika-13 hangtud sa ika-16 nga bersekulo, adunay tulo ka mga butang ang gikinahanglan mahitabo sa dili pa magpakita ang Ginoo Mismo. Sa pagdali karon, aron nga mahuman na nato. Kita n’yo? Ang unang nagakahitabo . . . Himatikdi: usa ka singgit, usa ka tingog, usa ka trumpeta. Atong basahon Kini karon ug tan-awon kung husto ba kana. Kita n’yo?

Kay ang Ginoo gayud (sa ika-16 nga bersekulo) mao ang manaug gikan sa langit inubanan sa usa ka singgit, ug sa tingog sa punoan sa mga manulonda, ug . . . sa trumpeta sa Dios: . . .

¹³⁰ Tulo ka butang ang mahitabo. Usa ka tingog . . . Usa ka singgit, usa ka tingog, usa ka trumpeta, ang kinahanglan mahitabo sa dili pa magpakita si Jesus. Karon, usa ka singgit . . . si Jesus ang nagabuhat sa tanan niining tulo sa dihang Siya’y—Siya’y—Siya’y nagapanaug na.

Usa ka singgit, unsa man ang maong singgit? Ang Mensahe kini nga nagagawas, una, ang buhing Tinapay sa Kinabuhi nga ginapahayag ang Pangasaw-onon.

¹³¹ Karon, may pamaagi ang Dios sa pagbuhat og mga butang. Ug wala Niya gayud ginausab ang Iyang pamaagi. Wala Niya gayud ginausab ang Iyang pa- . . . Siya ang walay pagbalhin nga Dios. Sa Amos 3:7, nag-ingon Siya, “Dili gayud Siya magbuhat

og bisan unsa sa kalibutan gawas una nga Iyang ipadayag kini ngadto sa Iyang mga alagad ang mga propeta.” Ug sa ingon ka piho nga Iya kining gisaad, Iyang pagabuhaton kini.

¹³² Karon, naagihan na nato ang mga kapanahonan sa iglesia. Apan gikasaad kanato sa ulahing mga adlaw, sumala sa Malaquias 4, nga adunay usa ka pagbalik na usab, og usa ka propeta sa yuta. Husto kana. Bantayi ang iyang kinaiya, kung mamahimong unsa siya. Siya kanunay’ng . . .

Pagagamiton sa Dios kana nga espiritu sa lima ka higayon: sa makausa diha kang Elias; kang Eliseo; kang Juan nga Bautista; tawagon pagawas ang Iglesia; ug ang nahibilin sa mga Judio. *Lima* ka mga higayon, “grace,” J-e-s-u-s, f-a-i-t-h, ug kini ang numero sa grasya. Kita n’yo? Bueno.

¹³³ Karon, hinumdumi, gikasaad na ang Mensahe. Ug sa diha nga ang tanan niining mga tinago bug-os nang giputos sa usa ka pundok sa mga klerigo, gikinahanglan niini og usa—usa ka propeta nga direkta gikan sa Dios aron nga ipahayag Kini. Ug mao kana sa eksakto kung unsay Iyang gisaad nga pagabuhaton. Kita n’yo?

¹³⁴ Karon, hinumdumi, “Ang Pulong sa Dios nagaabot ngadto sa propeta,” dili sa teologo. Ang propeta, usa siya ka tigpang-aninag sa Pulong sa Dios. Dili siya makasulti og unsa man; dili siya makasulti sa kaugalingon niyang mga pagpanghunahuna. Mahimo niya lang isulti kung unsa ang ginapadayag sa Dios. Bisang propetang Balaam sa dihang gisulayan siyang paliton, ibaligya ang iyang katungod, miingon siya, “Unsaon man pagsulti ni kinsa mang propeta sa unsa mang butang gawas kung unsa lang ang gibutang sa Dios sa iyang baba?” Usa kini ka butang nga ginahimo sa Dios, nga dili ka makasulti og uban pang butang. Ug nga natawo kang ingon niana. Dili nga molabaw pa sa mahimo mong . . .

¹³⁵ Kung makaingon ka, “Ako—ako—dili ko mabuka ang akong mga mata,” sa dihang nagatan-aw ka man. Kita n’yo? Dili mo mahimo. Nga dili mo mahimong itunol ang imong kamot, sa dihang mahimo mo man. Kita n’yo? Dili ka mamahimong usa ka iro sa dihang usa ka man ka tawo. Kita n’yo? Gihimo ka gayud nga ingon-ana.

Ug ang Dios sa una pa, usab, sa mga kapanahonan, kang Isaias, kang Jeremias ug sa tanan, ang Elias, sa mga nanglabay nang mga kapanahonan. Sa diha nga ang pundok sa mga klerigo gipang-sagol-sagol na ang tanan, mopadala Siya og usa ka propeta, ipatungha siya sa kung asa man gikan. Dili siya sakup sa kung unsa ma’y ilang kabutang, ug ginasulti niya ang Iyang Pulong. Tawgon palayo sa esena, ug mihawa na, malig-on gayud nga mga kalalaken-an sa Kamatuoran sa Dios. Ug sa ingon niana mo siya maila sa kanunay. Siya miingon, “Kung aduna ma’y usa sa taliwala kaninyo nga espirituhanon o usa man ka propeta . . .”

¹³⁶ Karon, mga propeta. Adunay ingon nianang butang sama sa “hiyas sa pagpropesiya” sulod sa Iglesia; apan ang usa ka propeta maoy gipili na nga daan ug gitagana nang daan alang sa maong panahon. Kita n’yo? Oo, sir. Karon, kung nagagawas ang usa ka propesiya, gikinahanglan nga susihon sa duha o tulo ug hukman kung husto ba kini o dili, sa dili pa dawaton kini sa iglesia.

¹³⁷ Apan wala’y makahimo sa pagsusi sa usa ka propeta, kay siya—siya sa tuman gayud ang Pulong sa Dios. Siya kadto ang Pulong sa iyang adlaw. Nakita ninyong nahianinag ang Dios. Karon, nagsaad ang Dios nga igapadala Niya kana kanato sa ulahing mga adlaw, aron ipahigawas ang Pangasaw-onon gikan nianang pang-klerigong kalibog, sa bugtong lang nga pamaagi nga mahimo kini.

¹³⁸ Dili gayud kini mamahimo; ang iglesia dili makadawat kang Cristo. Kita, nga mga Pentecostal, dili nato mahimong padayonon dalhon kining Mensahe diha sa maong kahimtang nga anaa ang iglesia sa karon. Unsaon man nato pagtuman sa ulahing panahon diha sa maong kahimtang nga diin anaa sila karon, kon diin nga ang matag usa batok sa usa pa, ug sa tanang uban pa, ug nga pang-klerigo pa? Oh, pagkaluoy! Usa kini ka kagubot. Tapos na sa mga denominasyon. Ug sa bisan unsa mang panahon. . . Ginahangyo ko ang si kinsa mang magsasaysay sa—sa—sa pagsulti og sukwahi niini. Matag higayon nga mikaylap ang usa ka mensahe sa kalibutan, ug pag-organisa nila niini, namatay dayon kini didto. Ug gibuhath usab sa Pentecostal ang mao rang butang nga ilang tanan gipangbuhath, ang Pentecostal nga migawas.

¹³⁹ Kamong, mga Assemblies of God, sa migawas ang inyong katigulangang mga lalaki ug babaye niadtong mga organisasyon kaniadto, didto sa karaang General Council, misinggit ug gidayeg ang Dios, ug nagsulti batok niadtong mga butanga. Ug nangbalik kamo, “sama sa iro sa iyang sinuka, ug ang anay nga baboy sa iyang lunang,” ug gibuhath ang mao rang butang nga ilang gihimo. Ug karon sa pagka-maiglesianhon kaayo, inyong ginapagahi ang inyong mga kasingkasing. Gikinahanglan pang magkaaduna og usa ka fellowship card sa dili ka pa makapakig-uban kaninyo, halos.

¹⁴⁰ Kamong, oneness, gikahatagan kamo sa Dios og usa ka mensahe nga sama niana, ug imbis nga kamo magpadayon pa, ug nagapabilin lang nga mapainubsanon ug mopadayon, gikinahanglan ninyong mobulag ug moorganisa sa inyong grupo. Ug asa na kamong tanan karon? Sa pareho ra nga timba. Eksakto kana.

Ug ang Espiritu sa Dios, nga nagapadayon. “Ako nga Ginoo ang nagtanum Niini. Pagabisibisan Ko Kini, sa adlaw ug gabii.

Basin unya'g may pipila ka . . . ” Iya nang gikatagana kining mga butanga, ug gikinahanglan Niyang ipadala Kini.

¹⁴¹ Ang unang butang nga nagaabot, sa diha nga nagasugod na Siyang nagapanaug gikan sa Langit, adunay usa ka singgit. Unsa man kini? Mao ang usa ka Mensahe, aron tigumon ang mga tawo. Usa ka Mensahe ang nagagawas, una. Karon, panahon na sa paghikay sa lamparahan, “Pagbangon na ug hikaya na ang inyong mga lamparahan.” Unsa na nga pagtukaw kadto? Ang ikapito, dili ang ikaunom. Ang ikapito, “Ania karon, nagaanhi na ang Pamanhonon. Pagbangon na ug hikaya na ang inyong mga lamparahan.” Ug gibuhat nila. Nakaplagan sa uban kanila nga wala gani sila ug unsa mang Lana sa ilang lamparahan. Kita n'yo? Apan panahon na kini sa pagpanghikay og lamparahan.

Panahon na kini sa Malaquias 4. Kung unsay Iyang gis- . . . Mao ang Lucas 17. Kini—kini sa Isai- . . . Ang tanan niadtong propesiya nga mahimong ihan-ay Niini sa hingpit gayud alang niining panahona, diha sa Kasulatan, makita nato kini nga ania na mismo dinha. Wala'y . . .

¹⁴² Tan-awa kining mga nagakahitabo na nga mga butang, minahal kong igsoong lalaki, igsoong babaye. Sa dihang, nasayod ang Dios sa Langit nga mahimo akong mamatay niining entablado karon mismo. Kamo—angay kamong maglakaw-lakaw sa palibot sa makadiyut. Kini gayu'y . . . Makahibulongan kini, sa diha nga makita mo ang Dios nga nagaabot gikan sa Langit, motindog atubangan sa mga pundok sa tawo, ug motindog dinha, nga ginapahayag ang Iyang Kaugalingon sama gayud sa Iya nang ginahimo kaniadto. Ug mao kana ang Kamatuoran, ug nga abli kining Biblia. Kita n'yo? Husto. Ania na kita.

¹⁴³ Ug patay ang sistema pang-denominasyon. Wala na kini. Dili na gayud kini mobangon pa pag-usab. Pagasunogon gayud kini. Mao kana kung unsa ang ginabuhat mo sa tahop didto sa nataran. Pahilayo gikan niini. Pagsulod kang Cristo. Ayaw pag-ingon, “Nahisakup ako sa Methodist. Nahisakup ako sa Baptist. Nahisakup ako sa Pentecostal.” Sulod ka ngadto kang Cristo.

Kung anaa ka kang Cristo, wala ni usa ka Pulong nga nahisulat Dinhi nga dili mo ginatoohan Kini. Dili ko igsapayan kung unsa ang giingon ni kinsa pa man. Ug ginapadayag dayon sa Dios ang kana nga butang. Tungod kay, kamo, sa diha nga ginabubo Niya ang Espiritu diha sa Pulong, unsa ma'y nagakahitabo? Sama lang sa pagbisibis og tubig sa bisan unsa man nga binhi. Mabuhi Kini, ug igapamunga ang matang Niini.

¹⁴⁴ Moingon ka, “Naangkon ko na ang bautismo, ang Espiritu Santo.” Wala kana nagpasabot nga luwas ka na, layo lang.

¹⁴⁵ Tan-awa dinhi. Ikaw usa ka tutulo ka linalang. Mao ikaw. Sa sulod *niining* gamay nga tawo dinhi mao ang kalag, ang sunod mao ang espiritu, ug ang sunod mao ang lawas. Karon, aduna

ka'y lima ka mga sensya sa niini nga lawas, sa pagkontak sa yutan-on mong puluy-anan. Wala nila ginakontak ang uban pa niini. Aduna ka'y lima ka sensya sa espiritu, *dinhi*: gugma ug konsensya, ug uban pa, niana. Apan *dinhi* mao kon diin *ikaw* nagapuyo. Mao kana kung unsa ikaw.

¹⁴⁶ Dili ba nag-ingon si Jesus, “Nagakahulog ang ulan sa mga matarung ug sa mga dili-matarung”? [Ang kongregasyon nagaingon, “Amen.”—Ed.] Pagbutang og usa ka amoreseko dinhi, ug usa ka trigo dinha, ug buboi sila og tubig, ug ipadayon sila nga naabonohan ug mga butang nga sama niana, dili ba nga pareho silang mangabuhi pinaagi sa mao ra nga tubig? [“Amen.”] Sigurado. Bueno, unsa man kini? Ang usa kanila magapamunga og amoreseko, tungod kay mao gayud kana siya. Igabayaw sa amoreseko ang iyang mga kamot ug mosinggit sama lang gayud sa trigo.

¹⁴⁷ Dili ba nga nagaingon ang Biblia, “Sa ulahing mga adlaw, manungha ang mini nga mga Cristo”? [Ang kongregasyon nagaingon, “Amen.”—Ed.] Dili “mini nga Jesus,” ha. “Mini nga mga Cristo,” mga dinihogan, mini nga pagkadihog sa Pulong; dinihogan sa denominasyon, apan dili sa Pulong.

Kay, pagapamatud-an sa Pulong ang Kaugalingon Niini. Wala na Kini nanginahanglan og unsa pa man. Pagapamatud-an Niini ang Kaugalingon Niini.

“Ug manungha ang mga mini nga dinihogan.” Anaa na kaninyo ang akong teyp niana. Ug kanang dini- . . .

Oh, kung tawagon mo ang usa kanila, moingon, “Oh, ikaw, usa ba ikaw ka Jesus?”

“Oh, pihong dili gayud.” Dili nila barugan kana.

¹⁴⁸ Apan paghisgotan na ang “Oh, himaya! Ania ang dihog kanako!” Ug ang tinuod kini nga dihog. Hinumdumi, aduna Niini si Caifas, usab, ug nga nagpropesiya. Mao usab si Balaam nga aduna Niini, ug nagpropesiya.

Apan wala kana'y unsa mang kalambigitan *niini*, sa sulod. Gawas kung binhi kadto sa Dios, nga binhi Niya gikan pa sa sinugdanan, nga gipili na daan, impas ka na. Dili ko igsapayan kung unsaon mo pa pagsinggit, pagsulti sa laing mga dila, pagdagan-dagan, pagsinggit. Wala gayud kana'y kalambigitan niini.

Mahimo man mahiparang ang amoreseko sa uban pa kanila. Nakita ko na nga mitindog ang mga pagano, ug misinggit, ug nanagsulti sa laing mga dila, ug—ug nanag-inom og dugo nga gikan sa bagolbagol sa tawo, ug motawag sa Yawa. Kita n'yo? Busa wala ka . . . Ang bisan unsa man kanilang mga sensasyon ug ingon-anang mga butang, kalimti kini.

Kini mao ang kasingkasing mo nianang Pulong, ug si Cristo kana. Isulod mo dinha, ug bantayi Kini nga ginapaila ang

Kaugalingon Niini, kung unsaon nga nagalimbukad Kini sama sa uban pang mga binhi, ug ginapahayag ang Kaugalingon Niini sa maong kapanahonan nga ginapuy-an Niini.

¹⁴⁹ Wala’y laing mahatud si Luther gawas sa udlot. Mahimong ihatud sa uban ang lain pa niining mga butang. Ania na kita karon sa trigo nga kapanahonan.

Ang mga tinuod nga Luther nga iya ni Luther magapamunga gayud og tinuod nga Luther. Ang tinuod nga pentecostal magapagawas gayud og tinuod nga pentecostal. Kana lang. Apan lagpas na kita niana nga kapanahonan, ug nagapadayon.

¹⁵⁰ Kabalo mo, ang Katolikong iglesia, nagsugod, sa Pentecostal? Ug kung magdugay pa sa duha ka libo ka tuig ang iglesiang pentecostal, mas mosamot pa ang kahimtang niini kay sa kung unsa na ang Katoliko karon. Eksakto gayud kana. Akong ginaingon kana ngadto sa akong mga kaigsoonang lalaki, igsoong mga babaye, nga akong gihigugma. Ug nasayod ang Dios niana. Apan hinumdumi, mga higala, gikinahanglan ko kamong tagbuon didto sa Paghukom. Ug mahimo nga dili na kana magdugay pa. Kinahanglan ko nga magasaksi sa kung unsa ang Kamatuoran.

¹⁵¹ Sa nagasugod pa ako diha sa mga panagtigum kauban ninyo, nga nagapangampo sa mga masakiton, maayo pa kadto. Apan, sa miabot na ako nga dala ang usa ka Mensahe! Kung aduna ma’y mogawas nga Mensahe, usa kini ka matuod nga Mensahe . . .

Kung kini ang matuod, tinuod nga mga milagro sa Dios, ug nagapabilin mismo nianang organisasyon, kabalo mo nga dili kini iya sa Dios, kay kana nga butang napaila na.

Miadto si Jesus ug gipang-ayo ang mga masakiton, aron nga tawagon ang ilang pagtagad, ang mga tawo, dayon ang Iya nang Mensahe. Husto kana.

Kinahanglan nga adunay butang kini nga ipaila sa Dios. Iya lang . . . ang Balaanong Pagpang-ayo, ang Iyang mga milagro nga sama niana, mao lang ang pagtawag sa pagtagad sa mga tawo. Ang kinauyokan Niini mao ang Mensahe. Dinha mao kung unsa, kung unsa ang nagagikan *dinhi*. Ginapaninguhaan Niyang makuha ang pagtamud sa mga tawo, aron manglingkod sila ug maminaw Kaniya, kita n’yo, kay adunay pipila didto nga gikatagana na ngadto sa Kinabuhi.

Ang uban sa lugas, sa trigo, nangahulog sa yuta, gituktok kini sa mga langgam. Ug ang uban nangahulog taliwala sa mga sapinit. Ug ang uban, miadto sa nahianam na nga yuta, sa yuta nga nahianam na daan, ug ningtubo.

¹⁵² Karon, kini ang nahauna nga butang, mao ang pagtingog. Ang unang butang mao ang trumpeta ug ang . . . o usa ka tingog . . . Usa ka singgit; ug dayon usa ka tingog; ug usa dayon ka trumpeta.

Singgit: usa ka mensahero nga nagapaandam sa mga tawo.

Ang ikaduha mao ang usa ka tingog sa pagkabanhaw: ang mao ra nga tingog, nga, usa ka makusog nga tingog diha sa San Juan 11:38-44, nga mitawag kang Lazaro gikan sa lubnganan.

Ginatigum na ang Pangasaw-onon; ug dayon ang pagbanhaw na sa mga patay, kita n'yo; aron sakgawon kauban Niini. Karon bantayi ang maong tulo ka butang nga nagakahitabo. Unsa ang sunod? Maoy usa ka trumpeta. Usa ka tingog . . . Usa ka singgit; usa ka tingog; usa ka trumpeta.

¹⁵³ Karon, ang ikatulo nga butang, mao ang usa ka trumpeta. Nga, kanunay, sa fiesta sa trumpeta, mao ang nagatawag sa mga tawo paadto sa fiesta. Ug mao kana ang mamahimong Panihapon sa Pangasaw-onon, ang Panihapon sa Cordero kauban ang Pangasaw-onon, didto sa kawanangan. Kita n'yo?

¹⁵⁴ Ang unang butang nga nagagawas mao ang Iyang Mensahe, nga ginatawag ang tanang Pangasaw-onon. Ang sunod nga butang mao ang usa ka pagkabanhaw sa mga nangatulong na nga Pangasaw-onon; ang—ang maong mga namatay na, sa kaniadtong uban nga mga kapanahonan, dungan silang pagasakgawon. Ug ang trumpeta, ang Fiesta sa kalangitan, sa kawanangan. Aba, mao kana ang butang nga magakahitabo, mga higala.

¹⁵⁵ Anaa na kita dinha mismo, nga nahiamdam na karon. Ang butang na lang, sa maong nagagawas nga Iglesia, maoy kinahanglan nga maibulad sa atubangan sa Anak, aron mahinog.

Ang dakung makina nga ig-aani moabotay na, sa dili madugay. Ang trigo pagasunogon na, nga mao ang mga uhay, apan pagahipuson ang mga lugas ngadto sa dapa Niini. Kita n'yo?

¹⁵⁶ Dili kamo buta nga mga tawo. Kamo—kamo'y mga but-an nga mga tawo.

Ug kung mitindog man ako dinhi ug nasulti kadtong mga butanga tungod sa pagkapihig? Ginasulti ko Kini tungod nga Kinabuhì Kini, tungod kay may katungdanan ako ngadto sa Dios sa pagsulti Niini. Ug kinahanglan nga isulti ko Kini, ug ang akong Mensahe. Sa tanang panahon, nga nasayod, nga ilalum dinha sa mga pagpang-ayo ug uban pa nga sama niana, mao lang ang pagkuha sa pagtagad sa mga tawo, nga nahibalo nga moabot ang Mensahe. Ug ania na Kini karon. Ug naablihan na silang Pito ka Mga Selyo, kadto nga mga tinago, ug nga ginapakita kadto nga mga butang kung unsay nahitabo. Wala ko'y nahibaloan niini.

¹⁵⁷ Apan adunay mga kalalaken-an nga nagatindog mismo dinhi karon, nagatindog sa tapad ko mismo niadto. Sa dihang, nadungog na ninyo ako nga giwali kana nga sermon: *Mga Sir*,

Unsa Na Kaha Kini Nga Panahon? Niadto nga buntag, sa eksakto gayud kon diin giingon Niini nga mahitabo Kini, aduna didto nagtindog ang pito ka mga Manulonda, nga gikan sa Langit. Ug sa nagakayab sila, ug nga ginadala Sila sa alimpulos pahitaas didto, kami nga atua didto, nagalantaw samtang nga palayo na Sila, gilitratoan Kadto sa siyensya, latas didto sa mga kaestadohan, hangtud sa Mexico.

¹⁵⁸ Ug didto, sa nagalantaw ako, usa ka adlaw, sa dihang nagsugod ako pagwali niining *Pito Ka Mga Kapanahonan Sa Iglesia*. Ug gitawag ko si Jack Moore, usa ka inilang teologo. Ingon ko, “Jack, Kinsa man kining Tawhana nga anaa dinha? ‘Adunay Usa nga sama sa Anak sa tawo ang anaa dinha, ang buhok nga ingon ka puti sama sa balhibo sa carnero.’” Ingon ko, “Usa Siya ka batan-on pa nga Lalaki, unsaon man Niya sa pagkaadunay buhok nga ingon ka puti sama sa balhibo sa carnero?”

¹⁵⁹ Miingon siya, “Igsoong Branham, mao kana ang Iyang gihimaya nga lawas.” Mora kana og dili mao.

Apan sa misulod na ako sa lawak ug misugod pag-ampo, Iyang gipahibalo kanako kung unsa kadto. Kita n’yo?

¹⁶⁰ Sa una pa nagwali na ako nga Siya usa ka Dios, dili lang usa ka tawo. Siya ang Dios nga nadayag diha sa unod: Dios, ang kinaiyahan sa Dios, sa gugma; ang gamhanang mga kinaiyahan nga mikanaug, nga napasundayag dinhi sa yuta, nga iya sa Dios. Si Jesus mao ang gugma sa Dios, nga naghimo og usa ka lawas nga gikapuy-an ni Jehovah Mismo. Diha Kaniya nagapuyo sa pagkalawas ang bug-os kinatibuk-an sa Pagka-Dios. Kung unsa ang Dios, Iyang gipahayag pinaagi niana nga lawas. Kinahanglan nga mamatay kana nga lawas, aron nga mahimo Niyang hugasan ang Pangasaw-onon sa Iyang—sa Iyang—sa Iyang Dugo.

¹⁶¹ Ug himatikdi, dili lang nga gihugasan ang Pangasaw-onon, gipasaylo, apan gimatarung gayud Siya. Kita n’yo? Nasulayan n’yo na ba ang pulong nga *gimatarung*, aron tan-awon kung unsa gayud ang kahulogan niini?

Karon, pananglitan, kung nadungog man ni Igsoong Green nga nagsige ako’g inum, nga nagsige ako’g pamuhat og dautang mga butang, dayon nakaplagn niya nga wala ko kadto gipangbuhat. Dayon moanhi siya, moingon, “Ginapasaylo ta ka, Igsoong Branham.”

¹⁶² “Ginapasaylo mo ako? Wala ko gayud kadto gipangbuhat. Sa unsa mo man ako ginapasaylo?” Kita n’yo? Apan kung sad-an man ako, nan mahimo akong pasayloon; apan sa gihapon dili ako matarung, tungod kay gibuhat ko man kadto.

Apan ang pulong nga *gimatarung* maoy “daw sama sa wala mo gayud kadto gibuhat, man lang.” Gimatarung! Ug dayon bug-os kitang ginahugasan sa Dugo ni Jesus Cristo gikan sa sala,

hangtud nga mapahimutang kini sa Libro sa pagkalimot sa Dios. Siya lang ang Usa nga makabuhat niini.

¹⁶³ Dili nato mahimo. Makapasaylo man kita apan dili kita makalimot. Mahimo ta ka pasayloon, apan kanunay kong mahinumduman nga nahimo mo kining dautan nga mga butang. Kung ingon-ana, dili ka matarung; napasaylo ka lang.

Apan, sa mata sa Dios, gimatarung ang Pangasaw-onon. Wala gyud Niya nabuhat kini, sa sugod pa lang. Amen. Nagatindog didto, nga gikasal ngadto sa putli nga Anak sa Dios; wala gayud nakasala; sa sugod pa lang. Ngano man? Gikatagana na Siyang daan. Nalit-ag lang Siya ngadto niini. Ug karon sa nadungog Niya ang Kamatuoran ug migawas, gihugasan Siya sa Dugo. Ug nagatindog na Siya dinha, nga putli. Kita n'yo? Siya, nga wala'y sala diha Kaniya, man lang.

¹⁶⁴ Busa, ginatawag sa Mensahe ang tanan nga Pangasaw-onon, kita n'yo, ang singgit.

Ug ang trumpeta . . .

Ang mao rang Usa, Siya, pinaagi sa makusog nga tingog, misinggit Siya sa nianang usa ka singgit ug usa ka tingog, ug gipukaw si Lazaro. Sa usa ka makusog nga tingog Siya misinggit, "Lazaro, gula ngari." Kita n'yo? Ug ang tingog mipukaw—mipukaw sa natulog nga Pangasaw-onon, ang natulog nga patay.

¹⁶⁵ Ug ang trumpeta, "pinaagi sa pagtingog sa usa ka trumpeta." Ug, sa nagatingog na kini, nagapanawag na kini. Kanunay, ang trumpeta ang nagatawag niadto sa Israel ngadto sa fiesta sa mga trumpeta. Kita n'yo? Nga, usa ka Fiesta pang-pentecostes, ang dakung Fiesta sa kawanangan; ug ang maong fiesta sa mga trumpeta. Ug, karon, ang trumpeta nagapahibalo sa pagtawag sa tanan, "Panganhi na kamo sa Fiesta." Ug mao kana karon ang—ang Panihapon sa Cordero sa kawanangan.

Karon bantayi. Ang maong pagkatigum; ug ang Pangasaw-onon; sa fiesta sa mga trumpeta, sa Pangkasal nga Panihapon. Ato nang nakita kini diha sa mga pagtipo. Karon bantayi sa makadiyut lang sa dili pa kita matapos. Himatikdi. Nakita na nato kini diha sa mga pagtipo.

¹⁶⁶ Karon, kung gusto ninyong basahon sa Mateo 18:16, nag-ingon Kini, "Adunay tulo nga nagapamatuod," kita n'yo, sa San . . . sa Nahaunang Juan 5:7, ug uban pa. Adunay tulo nga saksi sa kanunay. Husto ba kana? [Ang kongregasyon nagaingon, "Amen."—Ed.] Usa kini ka pagpamatuod, sa usa ka butang nga husto. Tulo ka saksi nga mao'y nagapalig-on. "Sa baba sa duha o tulo ka saksi, mamalig-on ang matag-usa ka pulong."

¹⁶⁷ Karon himatikdi. Nagkaaduna na kita'y tulo ka saksi. Ang tulo usa ka saksi. Karon, nagkaaduna na kita og tulo ka mga pagsakgaw sa Daang Tugon. Nahibalo ba kamo niana? Ingon nga

usa ka saksi. Karon tan-awa. Si Enoch ang usa; si Elias ang usa pa; ug si Jesus ang lain pang usa.

Si Jesus, ingon nga mao ang Kinatung-ang Bato, karon, Siya'y nagapamatuod. Kita n'yo? Siya ang Kinatung-ang Bato nga anaa sa tunga sa Daan ug Bag-ong Tugon, kay gikinahanglan Niya unang mamatay ug dayon sakgawon. Namatay Siya; nabuhi ug naglakaw-lakaw dinhi kauban nato; ug gisakgaw na dayon. Tungod kay, Siya mao ang Kinatung-ang Bato nga nagdugtong sa duha. Human sa Iyang pagkabanhaw ug pagsakgaw. . . Tan-awa. Human nga gibuhat Niya kana, ug gipamatud-an kana, ang Daang Tugon didto. Nasayod kitang tanan nga gilalin si Enoch. Nasayod kita nga gikuha si Elias paitaas sa usa ka alimpulos, husto kana, sa usa ka carro sa Kalayo. Ug namatay si Jesus, gilubong, nabanhaw ug nabuhi dinhi sa yuta, ug gisakgaw na dayon, ang Kinatung-ang Bato. Adunay tulo, aron magpamatuod. Husto ba kana? [Nagaingon ang kongregasyon, "Amen."—Ed.]

¹⁶⁸ Karon, aduna na'y usa ka pagsakgaw nga nahitabo. Nahibalo ba kamo niana? Kana, tan-awon nato kung mabasa nato kini, sa kadali. Adtoan nato ang Mateo, sa ika-27 nga kapitulo. Ug adto kita sa mga ika-45 nga bersekulo sa Mateo, sa ika-27 nga kapitulo. Tan-awon nato kung dili ba nato mahisgotan kana dayon, ug tan-awon kung-kung dili kita makapaghisgot og gamay gikan niini, nga makatabang kanato, dayon. 27:45, sa pagtoo ko, ang akong nahisulat dinhi. Atong basahon.

Karon sukad sa ikaunom ka takna miabot ang kangitngit sa tibuok nga yuta hangtud sa ikasiyam. . .

Ug sa haduol na ang ikasiyam ka takna mituwaw si Jesus sa usa ka makusog nga tingog, nga nagaingon, Eli, Eli, lama sabach-. . .? nga sa ato pa, . . . Dios ko, nganong gibiyaaan mo man ako?

Ang uban kanila nga nanagtindog sa duol, . . . nadungog kadto, ug miingon, Kining tawhana nagatawag. . . kang Elias.

Ug gilayon midalagan ang usa kanila, ug mikuha og usa ka espongha, ug gipatuhop kini'g suka, ug gibutang kini sa tumoy sa usa ka bagakay, ug gitunol kini ngadto kaniya aron imnon.

Ang uban nanag-ingon, . . . tan-awon ta kung moanhi ba si Elias ug luwason siya.

Si Jesus, sa pagtuwaw niya . . . sa makusog nga tingog, nagtugyan. . .

"Usa ka makusog nga tingog." Makusog nga tingog! Tan-awa.

Sa dihang si Jesus, hilimatyon na, misinggit sa makusog nga tingog, og mitugyan sa iyang espiritu.

Ug, ania karon, ang tabil sa templo nagilis sa duha ka bahin gikan sa ibabaw hangtud sa ubos; ug ang yuta nauyog, ug ang mga pangpang nangasip-ak;

Ug nangaukab ang mga lubnganan; ug daghan sa mga lawas . . . sa mga balaan nga nangatulog nangabanhaw,

Ug nanggula sa mga lubnganan sa tapos sa iyang pagkabanhaw, ug nangadto sila sa siyudad nga balaan, ug nanagpakita sa daghan.

169 Usa ka pagsakgaw ang nahitabo na.

Tulo ang nahitabo na sa Daang Tugon, sa kanila nga andam na, kang kinsa miabot ang Pulong sa Ginoo. Kita n'yo? Miabot ang Pulong sa Ginoo ngadto kang Enoch. Miabot ang Pulong sa Ginoo ngadto kang Elias. Usa siya ka propeta. Kita n'yo? Ang Pulong sa Ginoo mao si Jesus. Kita n'yo?

170 Tan-awa diha sa Daang Tugon, kadtong mga balaan sa Daang Tugon karon, sa unang pagkahitabo niining pagsakgaw. Himatikdi ang bersekulo 50. Gipukaw sa Iyang makusog nga tingog ang mga balaan sa Daang Tugon eksaktong sama gayud nga gipukaw sa maong makusog nga tingog si Jesus . . . o gipukaw si Lazaro. Kita n'yo? Nangpukaw ang maong makusog nga tingog.

Ug natuman ang ikaduha diha sa Ikaduhang Mga Taga-Tesalonica, sa ika-4 nga kapitulo. Magbasa lang kita, basahon kini. Bag-o lang nato gibasa, pipila lang ka minuto ang milabay. Kita n'yo?

. . . dili namo buot nga inyong . . . dili mahibaloan, mga igsoon, ang mahatungod sa mga . . . nangatulog na, aron kamo dili managsubo, bisan . . .

Sa Nahaunang Mga Taga-Tesalonica 4:12 hangtud 18 kana. Nga, mao kana ang mahimong ikaduha nga Pagsakgaw. Ang ikaduhang Pagsakgaw mao na ang paglalin paitaas sa Pangasaw-onon.

171 Atua na sa Iyang Presensiya ang mga balaan sa Daang Tugon, wala na ang paraiso. Ug nagpaitaas ang mga balaan sa Daang Tugon, sa Iyang makusog nga tingog, sa dihang misinggit Siya ug gitugyan ang iyang espiritu; tungod kay (ngano man?) ang Halad, ang halad sa pagpasig-uli sa ilang mga sala, nga ilang gihulat, nga nagatoo nga moabot na ang hingpit nga Cordero. Ilang gihalad ang maong Halad, ang Cordero. Ug sa dihang namatay Siya ug gitugyan ang iyang espiritu, misinggit Siya sa usa ka makusog nga tingog, ug namangon ang mga balaan sa Daang Tugon.

Tan-awa ang singgit ug ang tingog dinhing dapita, mao sa gihapon sa Iyang Pag-abot. Kita n'yo?

“Gitugyan ang iyang espiritu.” Ug sa nahimo na Niya. Hingpit na ang Halad, ug wala na’y sulod ang paraiso. Ug mibalik sa yuta ang mga balaan sa Daang Tugon, nanggilakaw-lakaw sa yuta, ug ningsulod na uban Kaniya, sa pagsakgaw Kaniya.

¹⁷² Nag-ingon si David, kaniadto, “Sakwata ninyo, kamong mga ganghaan nga walay katapusan, ug sakwata ninyo ang inyong kaugalingon.” “Gidala Niya ang pagkabihag nga binihag, nanghatag og mga gasa sa mga tawo,” ug misulod na ang mga balaan sa Daang Tugon kauban Niya.

¹⁷³ Nanag-ingon sila, “Kinsa ba kining Hari sa pagkamatarung?”

¹⁷⁴ “Ang Ginoo sa Himaya, makagagahum sa kasundalohan.” Makagagahum nga kasundalohan, ania na sila, nagamartsa. “Gidala ni Jesus nga binihag ang pagkabihag,” ug ania na Siya nga nagaabot, nga kauban ang mga balaan sa Daang Tugon. Ug misulod sa bag-ong mga ganghaan Didto, ug miingon, “Sakwata ninyo, kamong mga ganghaan nga walay katapusan, ug sakwata ninyo ang inyong kaugalingon. Ug pasudla ang Hari sa Himaya.”

Ang tingog nga gikan sa sulod, miingon, “Kinsa ba ang Hari sa Himaya?”

¹⁷⁵ “Ang Ginoo nga makagagahum sa panggubatan.” Miabli ang mga ganghaan. “Ug si Jesus, usa ka Mangdadaug, gidala nga binihag ang pagkabihag,” sila nga nanagtoo Kaniya, ug nga miabot ang Pulong ngadto kanila. Didto, ang mga balaan sa Daang Tugon nga atua didto, nga nagahulat, “Iyang gidala nga binihag ang pagkabihag; mikayab Siya sa Itaas,” gidala ang mga balaan sa Daang Tugon ug misulod. Kana ang usa ka Pagsakgaw, nga nahitabo na.

¹⁷⁶ Ang sunod nga Pagsakgaw nga mahitabo mao ang (sa Ikaduhang Mga Taga-Tesalonica) alang sa Iglesia, ang Pangasaw-onon nga pagabanhawon, nga pagasakgawon ngadto sa Himaya. “Kita nga mga buhi ug nanghibilin,” kanang mga lawas nga nanghibilin sa yuta, “dili magauga o pugngan silang mga nangatulog. Kay ang trumpeta sa Dios magatingog una, ug ang mga nangamatay diha kang Cristo mouna sa pagpamangon.” Kita n’yo? “Ug kita nga buhi ug nanghibilin pagasakgawon pagdungang uban kanila.”

¹⁷⁷ Sa miaging adlaw, nagatindog ako didto sa kanto sa dalan. Ug ako—ako nagatindog niadto sa . . . Nagatindog ako niadto sa kanto sa dalan ug nagatan-aw sa parada sa Armistice Day, ug sa miabot kini didto, nagalabay sa dalan. Nagtindog ako didto kauban ang gamay ko nga bata, si Joseph. Miabot didto, nauna, miagi ang karaang mga tangke sa nahaunang giyera, gagmay’ng mga tangke. Sunod niadto ang Sherman nga mga tangke na sa bag-o lang nga giyera, ug dagkung mga kanyon nga uban ang

boka sa pagpabuto niini, usa—usa ka nasip—ak nga boka sa mga niini, ug uban pa.

Human didto, miabot na ang mga sundalo; ang—ang—ang mga inahang Gold Star. Ug dayon miagi ang usa ka karosa nga may . . . padayon nga padayon . . . Bueno, didtong dapita miagi ang usa ka karosa, ug usa ka lubnganan ang sa atubangan niini, “sa mga dili nailhan nga mga sundalo.” Ug nagtindog didto ang usa—usa ka sundalo nga nagatindog didto, nga bantay didto sa lubnganan. Nagtindog didto ang usa ka marino sa pikas nga bahin, ug ang usa ka marinero sa usa pa ka bahin. Ug may gibahinbahin nga lugar. Ug sa pikas bahin napahamutang ang inahang Gold Star. Nawad-an siya og anak nga lalaki. Nagtindog didto ang usa ka batan-ong asawa, nga nakapatong ang iyang ulo sa lamesa, nga nagahilak. Usa ka gamay’ng nagkagidlay nga batang lalaki nga nagalingkod patakilid; ug ang mga luha nga nagaagay sa iyang nawong. Nawad-an siya og papa.

Nahunahuna ko, “Daw sa unsa kasubo! Nagatindog ako dinhi ug nagalantaw, makita silang, tigulang na, nga pipila na lang sa mga sundalo nga nahibilin; nga nagamartsa didto, nangapiang ug tigulang na, nga sama niana, nga sul-ob ang ilang mga uniporme, apan madungganon nga ginapasundayag kini tungod kay sila’y mga Amerikano.”

Hunahuna ko, “Oh, Dios ko!”

¹⁷⁸ Usa ka adlaw, magkaaduna og usa ka pagtunog gikan sa Langit, “Ug ang mga nangamatay diha kang Cristo mouna pagpamangon.” Silang mga balaan sa Daang Tugon kaniadto, nga nagahulat, mamangon ug mounang manggawas didto, ug mangadto sa pagkabanhaw. Mahilinya kita mismo, paadto sa kawanangan; nausab na kining tigulang mortal nga mga lawas ug nahisama na ngadto sa Iya Mismong mahimayaong Lawas. Daw sa unsa na kana ka—ka parada ang mahitabo sa diha nga nagasugod na kini paitaas sa kalangitan, sa umalabot niining mga adlaw, nianang panahon na sa pagsakgaw nga moabot, oh, madungganon nga ginapasundayag ang Dugo ni Jesus Cristo diha sa ilang mga dughan, ang Mensahe sa Dios sa panahon nga ilang gikapuy-an. Kana ang maong takna nga atong ginapaabot, igsoon.

¹⁷⁹ Tan-awa, sa pagtapos na karon. Sa ikaduhang pagkabanhaw, ang tanan . . . Human na ang nahauna. Haduol na ang ikaduha, karon mismo, hapit na nga mahitabo sa karon.

¹⁸⁰ Karon, ang ikatulo mao na ang duha ka saksi sa Pinadayag 11:11 ug 12. Nga, kini sila ang maong magapasig-uli, pinaagi sa Espiritu ni Cristo, sa pagpamatuod ngadto sa mga Judio, sama sa gihimo ni Joseph ngadto sa iyang mga kaigsoonan. Ug hinumdumi, “Ang ilang patay’ng mga lawas nanaghay-ad sa dalan, sulod sa tulo ug tunga ka adlaw. Dayon misulod kanila

ang espiritu sa kinabuhi, ug gisakgaw sila, gidala paitaas sa Langit.”

Kana ang inyong tulo ka mga pagsakgaw sa Bag-ong Tugon.

Ang tulo ka pagsakgaw sa Daang Tugon; ang tanan kanila nahuman na.

¹⁸¹ Karon andam na kita, nagahulat sa maong mga pagsakgaw, ang Pagsakgaw sa mga balaan. Nahisulti na kini, ug busa mamatuman gayud kini. Sa dihang aduna ma’y ginasulti ang Dios, “Ang tanang mga langit ug yuta mangahanaw, apan kana nga Pulong dili gayud mapakyas.”

¹⁸² Sa dihang gisulti sa Dios, didto sa Genesis 1, miingon Siya, “Motungha ang kahayag.” Mahimong ginatus kini ka mga tuig sa wala pa mitungha ang unsa man nga kahayag. Miingon Siya, “Motungha ang kahoy’ng palma. Motungha ang kahoy’ng encina. Motungha ang kamingawan. Motungha ang bukid. Motungha *kini*.” Gipangsulti Niya kini, nakita n’yo. Ug samtang nga nagagawas kini sa Iyang baba, sa usa ka Pulong, kinahanglan nga mamatuman kini. Kinahanglan gyud. Sa dihang . . .

¹⁸³ Dayon usa niana ka adlaw, Iyang gitawag pagawas ang Iyang katawhan. Ug nagsulti Siya ngadto sa usa ka lalaki nga gihinganlan og Moises, pinaagi sa usa ka Haligi nga Kalayo, usa ka Kahayag; Balaan, Sagradong Kalayo. Ug dili si Moises . . . Dili motoo ang mga tawo kang Moises, busa miingon Siya, “Dalha sila pagawas ngadto niining bukira.”

¹⁸⁴ Niadtong buntaga, napuno sa Kalayo ang maong bukid, ug nagapangidlat ug nagadalodog nga sama niana. Ug nanag-ingon ang mga tawo, “Ayaw na pasultiha ang Dios. Si Moises na ang pasultiha, kita n’yo, basi’g hinoon mangamatay kami.”

¹⁸⁵ Miingon ang Dios, “Dili na Ako mosulti pa ngadto kanila nga sama niini, apan magpatungha Ako kanila og usa ka propeta. Ug magasulti Ako pinaagi kaniya, ug kung unsa ang iyang igasulti magakahitabo. Kung ingon-ana, patalinghugan ninyo Kini, tungod kay Ako—Ako kauban niya.” Karon, Iyang gisulti kana. Miingon Siya nga mahitabo gayud kini.

¹⁸⁶ Tan-awa kini nga propeta, si Isaias, nga nagatindog didto; usa ka lalaki, maalam nga tawo, tawong gitamud, og taas, sa hari, tungod kay nagkinabuhi siya kauban si Uzias. Ang maong hari, nga usa ka bantugan nga tawo, nagsulay’g pagkuha sa puwesto sa usa ka magwawali, usa ka higayon, ug misulod, gihampak og sanla.

Ug mao kana kon unsay giingon ko sa mga negosyante. Ayaw gayud pagsulay og kuha sa puwesto sa magwawali. Ayaw gayud, sir. Magpabilin ka mismo sa kon asa ka napahamutang. Kita n’yo? Buhata ang imong buluhaton, kon unsay gipahamutang sa Dios, ang giingon nga pagabuhaton mo. Kon usa ka ka tudlo, dili

ka gayud mamahimo nga dalunggan. Kon usa ka ka dalunggan, dili gayud ka mamahimong usa ka ilong, ilong o mata. Kita n'yo? Pagpabilin ka sa imong puwesto.

¹⁸⁷ Nadungog ninyo kana nga Mensahe, sa miaging adlaw, nga ginapasibya: *Nagasulay Pagbuhat Og Buluhaton Sa Dios*. Si David, ang dinihogang hari. Nanggisinggit ug nanggihugyaw na ang mga tawo, “Husto Kana.” Apan wala gayud niya gikonsulta ang propeta sa Dios. Ug namatay ang usa ka tawo, ug napakyas ang maong tibuok butang. Ayaw pagsulay nga tabangan ang Dios. Maghulat ka hangtud nga kabubut-on na kini sa Dios. Tugoti kining moabot sa Iyang pamaagi sa pagbuhat niini. “Pagasugdan ko *kining* daku nga butang. Pagahimoon niini *kini*.” Mag-amping ka, igsoon.

¹⁸⁸ Karon, mas nahibalo pa man si David kay niana. Atua si Nathan sa kayutaan, niadtong panahona. Wala gani siya gikonsulta, man lang. Kita n'yo? Iya nang gikonsulta ang mga kapitan sa mga ginatus ug mga linibo. Nanggisinggita na ang mga tawo, ug nanggihugyaw, ug ningsayaw. Imbis nga . . . Atua na kanila ang tanang relihiyosong kalihokan, apan wala kadto sa linya ug kahan-ayan sa Pulong sa Dios, ug napakyas kadto.

Ang bisan unsa pa man nga butang, nga wala sa linya ug kahan-ayan sa Pulong sa Dios, mapakyas gayud. Ang Pulong lang sa Dios ang magapabilin sa dayon. “Ang mga langit ug yuta mangahanaw, apan dili ang Akong Pulong.”

¹⁸⁹ Himatikdi si Isaias, kadtong maalamong batan-ong lalaki nga nagtindog didto. Sa kalit na lang, miigo kaniya ang Espiritu. Dili siya mahimong mosulti og lahi. Usa siya ka propeta. Nag-ingon siya, “Ania karon, ang usa ka ulay manamkon.” “Alang kanato ang usa ka Anak nga Lalaki natawo; usa ka Bata natawo, usa ka Anak nga Lalaki ang gihatag. Ang Iyang Ngalan pagatawgon Magtatambag, Principe sa Pakigdait, Dios nga Makagagahum, Amahan nga Walay Katapusan. Ang katapusan sa . . . Ang Iyang kagamhanan igatungtong sa Iyang mga abaga. Ang katapusan sa . . . Walay katapusan ang Iyang paghari.” Unsaon man sa minaalam pagkasulti nianang tawhana nga magasamkon ang usa ka ulay?

Ang tanan nagpaabot niini. Human nang gisulti kini. Kadto ang MAO KINI ANG GINAINGON SA GINOO. Gikinahanglan nga mamatuman kini, kay Pulong kadto sa Dios. Mao sa gihapon kini sa Genesis, sa gipangtanum Niya kadtong mga binhi didto ilalum sa dagat, kon diin “awa-aw kini kaniadto, ug walay sulod; ug tubig ang anaa ibabaw sa nawong sa kahiladman.” Kita n'yo? Gikinahanglan nga mamatuman kini. Ug usa ka adlaw, walo ka gatus ka tuig human niadto, gisamkon sa tagoangkan sa usa ka ulay ang Binhi sa Dios, usa ka binuhat nga Binhi. Gianak niya ang usa ka Anak nga Lalaki.

190 Ang kanang mao ra nga Anak nga Lalaki nagtindog didto, usa ka adlaw. Miingon Siya, “Lazaro, gula ngari.” Ug ang usa ka tawo nga upat na ka adlaw nga patay, nga nadugta na, nga nadugta na ang iyang ilong, mabaho na, migula siya. Miingon:

Ayaw kahibulong niini: kay ang takna moabot, amen, sa diha nga ang tanan nga anaa sa lubnganan makadungog sa tingog sa Anak sa Dios,

Busa, human na kini gisulti. Kinahanglan nga mahitabo kini sa ingon niana. Magkaaduna gayud og usa ka Pagsakgaw. Oh, sus!

191 Nahinumduman nako, sa ulahi ko lang nga Mensahe didto sa California, kon diin gidahum ko nga dili na gayud ako makabalik pag-usab, sa dihang gitagna ko, “Maunlod ang Los Angeles ilalum sa kadagatan. MAO KINI ANG GINAINGON SA GINOO.” Mahitabo gayud kini. Tapos na siya. Wala na siya. Impas na siya. Unsang takna? Wala ako mahibalo kon kanus-a, apan igaunlod kini. Pagkahuman mismo niadto, ang mga linog misugod pagtay-og ug pagyugyog.

192 Hinumdumi, daghan kaninyong mga kalalaken-an nga atua mismo didto, niadtong bato, sa kadtong adlaw nga mikanaug didto kadtong manolunda. Ug nagakahulog kadtong Kahayag ug Kalayo gikan sa Langit, sa palibot sa maong bato kon diin atua kita didto. Ang mga bato nga nanglupad gikan sa mga bukid, ug nga nagakahulog didto. Mibuto siya sa makatulo ka higayon, sa makusog. Miingon ako, “Pagahampakon sa Paghukom ang West Coast.” Duha ka adlaw human niadto, hapit maunlod ang Alaska.

193 Hinumdumi, kadtong mao ra nga Dios nga nag-ingon niadto, nag-ingon, “Ang Los Angeles nahukman na.” Ug impas na siya. Wala ako kahibalo kon kanus-a. Dili ko masulti kaninyo.

194 Wala ko mahibalo nga nasulti ko kadto. Apan kining igsoon dinhi, sa pagtoo ko kadto’y . . . Dili. Usa sa mga Mosely, sa pagtoo ko, gidala ako didto sa usa ka dalan didto. Wala ko kahibalo kon unsa gayud kadto hangtud nga gibalikan ko. Gisusi nako balik sa Kasulatan.

Ug nag-ingon si Jesus, “Capernaum, Capernaum, sa makapila . . . Ikaw nga nagtuboy sa imong kaugalingon, labot pa, hangtud sa Langit, igaunlod ka gayud hangtud sa hades. Kay kon ang mga gamhanang buhat nga nangahimo diha kanimo, gibuhat pa sa Sodoma, milungtad unta siya hangtud karong adlaw.” Ug mga usa ka gatus ug singkwenta ka tuig sugod kaniadto, (Ang Sodoma dugay nang, atua sa yuta) dayon ang Capernaum anaa na ilalum sa tubig, usab, sa karon.

195 Ug ang kadtong mao ra nga Espiritu sa Dios nga nag-ingon sa tanan niining mga butanga, ug nagbuhat sa tanan niining mga butang, nag-ingon Kini didto, “Oh, siyudad, nga Capernaum, nga nagtawag sa imong kaugalingon sa ngalan

sa mga Manulonda, Los Angeles, kon giunsa mong pagtuboy sa imong kaugalingon hangtud sa langit! Ang maong pinaka gamut ug puy-anan ni Satanas, kita n'yo, gituboy mo ang imong kaugalingon.”

¹⁹⁶ Mga magwawali, usa kini ka lubnganan para kanila. Maayong mga kalalaken-an ang mangadto didto ug mangamatay nga sama sa mga ilaga. Daw sa unsa ka kalaglagan!

¹⁹⁷ “Ikaw nga nagatawag sa imong kaugalingon sa ngalan sa mga Manulonda; kon ang maong mga gamhanang buhat didto pa gibuhat sa Sodoma, nga nangahimo diha kanimo, milungtad pa unta kini karong adlaw. Apan miabot na ang imong takna.”

Bantayi n'yo ug tan-awa. Kung dili kini mahitabo, usa ako ka mini nga propeta. Kita n'yo? Dinha na siya. Atua siya napahimutang didto.

¹⁹⁸ Mahinumduman ko niadtong gabii, sa wala ko pa nakita kadto, nakita ko ang unang-pagpakita sa Pangasaw-onon. Nagtindog ako didto ug nakita ang usa ka matahum nga batanong babaye, nga nagbisti gayud og husto, ug ingon-anang mga butang, nga nagamartsa sa *niining* direksyon. Adunay Usa nga nagatindog duol kanako, sa maong panan-awon. Ug akong nakita. Miingon Sila, “Ang maong unang-pagpakita sa Pangasaw-onon.” Nakita ko Siya nga nagaagi. Miagi Sila *niining* dapita, ug milibot.

¹⁹⁹ Nadungog kong nagapaduol kini, ang—ang mga kaiglesiahan nga nagapaduol gikan niining *laing* dapita. Miabot ang iglesiang Asiano. Oh, hisgotan mo pa ang kalaw-ayan! Ania miabot ang iglesiang Europa. Oh, sus! Ug human dayon nadungog ko ang nagapaduol nga rock-and-roll, ug mao na kadto ang Miss Amerika, ang iglesia, ug wala gani nakasul-ob og unsa man nga bisti. Diha'y mga papel kaniya, sama sa mga mantalaan, abohon, nga gigunitan niya sa atubangan, nga nagasayaw sa rock-and-roll; ang maong Miss Amerika, ang iglesia.

²⁰⁰ Nagtindog ako didto sa Iyang Presensiya. Sa hunahuna ko. “O Dios, ingon nga usa ka ministro, kung mao man kana ang pinakamaayo namong mahimo? Oh! Oh!” Nasayod ka kung unsa ang imong ginabati. Dayon hunahuna ko, “Dios, salipdi ako. Kung makahawa lang gayud ako dinhi. Kung ang tanan man nga among gibuhat, ug mao lang kana ang among maipresentar, kung ingon niana man?”

²⁰¹ Ug dayon sa diha nga milabay kadto nga mga kababayenan, nga ang tanan ginabuhat ang tanan nang matang sa mga pagtabyog-tabyog ug ingon-anang mga butang, ug mugbo ang mga buhok, ug mga nawong nga pinintalan. Ug sa nagalabay sila nga sama niana, nga mamahimong mga ulay unta kang Cristo. Ug sa nagalabay sila nga sama niana, milingi ako, kabalo na mo, nga dala-dala *kini* sa atubangan ko. Kadto—makauulaw gayud

kadto, ang likod kanila. Ug mao kadto sila, nagapadayon nga ingon niana. Ug nilingiw ako, sa paghilak, nga ingon *niana*.

²⁰² Ingon ko, “Ako—dili ko na maagwanta kini didto. Siya nga atua didto, ug ako nga nasayod nga ako, usa ka ministro sa Iglesia, ug ingon niana kon unsa ang akong naipresentar alang Kaniya.” Ingon ko, “O Dios, dili ako makalantaw niini. Tugoti na lang ako nga mamatay. Tugoti akong—tugoti akong mahanaw,” ug sama niana.

²⁰³ Ug dihadiha pagkagawas niini, matag higayon nga moabot ang usa kanila, mopaingon sila ngadto sa usa ka pihong dapit, dayon mangahulog. Madungog ko na lang ang tingog niini samtang kini nagapahilayo.

Dayon may nadungog akong maingon sa *Onward Christian Soldiers*. Milantaw ako, ug ania nagaduol kadtong balaan nga panon sa batan-ong mga babaye sa eksakto gayud kung unsa sila sa una, ang tanan nga nagbisti sa husto, ang ilang mga buhok nga nakabuhayhay paubos sa ilang likod. Mahapsay, malimpyo, nga nagamartsa nga sama *niini*, sa lakang sa Maayong Balita. Siya’y Pulong. Mora sila og gikan sa matag nasud. Naglantaw ako niini samtang nga nagaagi sila, ug nakita silang nagaagi. Imbis nga paubos, misugod sila paingon sa itaas.

Nahimatikdan ko nga ginasulayan sa usa kanila, ginasulayan sa duha o tulo kanila, paggawas sa linya. Misiyagit ako, “Pagpabilin sa linya.” Ug mibiya na kanako ang maong panan-awon. Ug atua ako sulod sa lawak, nga nagasiyagit, “Pagpabilin sa linya.” Sa linya, Niana.

²⁰⁴ Unsa na kaha, human na kaha kini? Human na kahang gitawag ang Pangasaw-onon? Ingon niana na ba kaha ang ginaagihan nato karon?

Gikinahanglan Siyang maumol ug maporma ngadto sa hulagway ni Cristo, ug si Cristo mao ang Pulong. Mao lang kana ang bugtong butang. Kita n’yo? Anaa Kini Dinha, sa Pulong. Kini la-... Kita n’yo? Wala’y usa ka butang nga mahimong igadugang. Dili kini mamahimong usa—usa ka babaye nga may usa ka kamot nga sama sa lalaki, ug ang usa pa ka kamot nga may kuyamoy sama sa iro. Kinahanglan Kini nga mamahimong eksakto gayud nga Pulong sa Ginoo, sama Kaniya nga mao ang Pulong. Kabahin ang Pangasaw-onon sa Pamanhonon. Ang babaye kabahin sa iyang bana, kay gikuha man siya gikan sa bana. Si Eba kabahin ni Adan nga gikan sa iyang kilid. Ug mao usab ang Pangasaw-onon, nga wala gikuha gikan sa usa ka denominasyon, apan gikuha gikan sa sabakan sa Pulong sa Dios alang sa niining adlaw.

²⁰⁵ Ang Pagsakgaw!

Magatingog na ang trumpeta sa Ginoo,
 ang mga nangamatay diha kang Cristo
 mamangon,
 Ug ang kahimayaan sa Iyang pagkabanhaw
 pagaambitan na;
 Sa diha nga ang Iyang mga pinili mangtigum
 na ngadto sa ilang mga Puluy-anan luyo sa
 kawanangan.

Sa diha nga ginatawag na ang mga ngalan didto,
 paninguhaon natong tanan nga maatua kita Didto, mga higala.
 Ang Dios magapanalangin kaninyo.

²⁰⁶ Nasulti na kini. Kinahanglan mahitabo kini. Mahitabo
 gayud kini. Ug ang gamay'ng...[Blangko nga bahin sa
 teyp—Ed.]

Ang mga tawo, wala'y usa nga gustong mamatay. Wala'y
 usa nga gustong—gustong malaglag. Sultihan ko kamo. Bisan
 unsa man ang inyong ginabuhat...Dili ko igsapayan kung
 makapila pa kamo ka higayon nagaadto sa simbahan, ug kung
 unsa pa kamo ka maunongon sa inyong iglesia. Maayo man
 kana, wala ko'y batok niana. Kinahanglan nga magsimba kamo.
 Buhaton n'yo kana. Padayon kamo nga magsimba. Apan, bisan
 pa man, ipanglabay lang gayud ang inyong mga tradisyon,
 ug magpadayon paglihok ngadto kang Cristo. Tungod kay,
 magatingog na kini usa sa niining mga adlaw, ug masapon kang
 aduna na'y marka sa mapintas nga mananap diha kanimo, ug
 nga dili mahibalo kung unsa kini hangtud nga ulahi na kini
 kaayo. Eksakto gayud kana.

²⁰⁷ Ang Dios magapanalangin kaninyo. Pasayloa kong
 napalangan ko kamo. Ug hinumdumi. Ako silang napadugay
 kaayo dinhi. Husto kana. Ug ang offering nga inyong
 gipahigayon alang kanako...Nga, wala ko gihangyo kana
 kanimo, igsoon. Kana, ang akong, kana mao'y pagtahod. Kuhaa
 kana ug bayari kining motel sa—sa paglampas sa oras, tungod
 kay napadayon ko kini. Aduna lang ako'y pipila ka mga butang
 dinhi. Aduna pa ako'y mga walo o napulo ka mga pinalid bahin
 sa nianang Pagsakgaw, Apan ako—ako wala na ako'y panahon
 aron ihatag pa kini. Ang Dios magapanalangin kaninyo.

²⁰⁸ Gihigugma ba ninyo ang Ginoong Jesus? [Ang kongregasyon
 nagaingon, "Amen."—Ed.] Magpabilin lang kita sa pagtindog sa
 makadiyut lang karon, nga mapahilumon, nga matinahuron, ug
 hinumdumi kung unsa'y akong giingon. Hinumdumi, ania na
 kita sa kaulahi nga takna.

Kining mga nasud nagakabulag,
 nagakapukaw na ang Israel,
 Ang maong mga ilhanan nga gikasulti na daan
 sa Biblia;

Inihap na lang ang mga adlaw sa Gentil,
 inubanan sa mabug-at nga kasakit;
 “Balik na, O mga nagkatibulaag, sa inyong
 kaugalingong yuta.”

Ang adlaw sa pagtubos haduol na,
 Nangaluya na sa kalisang ang mga
 kasingkasing sa tawo;
 Pagpapuno sa Espiritu sa Dios, ang inyong mga
 lamparahan nga gihikay ug nahinloan na,
 Paghangad, haduol na ang inyong katubsan.

Kabalo ba mo niana?

Nagapamakak nga mga mining propeta,
 ang Kamatuoran sa Dios ilang
 ginapanghimakak.

Nasayod kita nga matuod ang tanan niana. Dili ba? [Blangko
 nga bahin sa teyp—Ed.]

I love Him, I love Him
 Because He first loved me
 And purchased my salvation
 On Calvary's tree.

²⁰⁹ Pila man ang nahigugma gayud Kaniya. Itaas ang inyong
 kamot. Karon, gusto ko kaninyo, nga samtang atong kantahon
 kini pag-usab, makiglamano sa usa nga anaa tapad kaninyo.
 Moingon, “Ang Dios magapanalangin kanimo, magpapanaw.”
 Mga magpapanaw kita. Dili ba? [Ang kongregasyon nagaingon,
 “Amen.”—Ed.] Mga magpapanaw ug lumalangyaw.

I love Him,

Ingon niana, tabok mismo sa lamesa.

I love Him
 Because He first loved me
 And purchased my salvation
 On Calvary's tree.

²¹⁰ Gusto ba ninyong mahiuban sa Pagsakgaw? [Ang
 kongregasyon nagaingon, “Amen.”—Ed.] Pila man ang
 interesado nga mahiuban sa Pagsakgaw? Moingon, “Dios, gusto
 kong mahiuban, sa tibuok kong kasingkasing.”

Hold To God's Unchanging Hand, kabalo ba mo sa maong
 kanta? Kabalo ka ba niini, igsoon? *Hold To God's Unchanging
 Hand*. Wala ko kabalo kung unsa . . . Kung asa kini, para nianang
 usa? Huh?

Hold to God's unchanging hand!
 Hold to God's unchanging hand!
 Build your hopes on things Eternal,
 Hold to God's unchanging hand!

Gusto n'yo ba kana?

When our journey is completed,
 If to God you have been true,
 Fair and bright your home in Glory,
 Your enraptured soul shall view!

Hold to God's unchanging hand!
 Hold to God's unchanging hand!
 Build your hopes on things Eternal,
 Hold to God's unchanging hand!

Gusto kong iduko ninyo ang inyong ulo sa makadiyut lang karon.

Covet not this world's vain riches,
 That so rapidly decay,
 Seek to gain the Heavenly treasure,
 They will never pass away!

Hold to God's unchanging hand!
 Hold to God's unchanging hand!
 Build your hopes on things Eternal,
 Hold to God's unchanging hand!

²¹¹ Samtang nagduko ang inyong mga ulo, ug nga ginahunahuna kini, nasayod nga ginaduko nato ang atong mga ulo ngadto sa yuta nga kon diin kita gikuha, nga mobalik kita sa umalabot nga adlaw, nahibalo nga aduna ka'y kalag dinha nga gikinahanglan manubag sa Dios. Ug kon nabati mo man nga dili ka pa gayud andam alang niana nga Pagsakgaw, kung moabot man Kini karong gabii, ug gusto kang hinumduman diha sa pag-ampo, itaas lang ang imong kamot. Wala na kita'y lugar aron paghimo pa og usa ka pagtawag sa altar. Ang inyong altar anaa sa inyong kasingkasing, bisan pa man. Itaas ang inyong kamot. Ang Dios magapanalangin kanimo, kanimo, kanimo. Aba!

“Gibati ko nga dili pa ako andam, Igsoong Branham. Ako—ako, sa tinuod, Ako—ako—gusto kong mahimong usa ka Cristohanon. Gisulayan ko na, apan aduna sa kanunay og butang nga kulang. Ako—nahibalo ako nga ako—wala gayud ako kung asa ako angay'ng mapahimutang.”

“Maluoy Ka, Dios. Ako nang ginapataas ang akong kamot. Magmaluloy-on Ka kanako.”

Karon, mga baynte o traynta ka mga kamot ang nakataas, na, sa niining gamay'ng pundok. Daghan pa ang nagapataas.

²¹² Minahal nga Dios, nasayod Ka kung unsa ang anaa sa likod niana nga kamot, sa ilalum dinha sa kasingkasing. Nagaampo ako, minahal nga Dios. Adunay usa lang ka butang nga tulubagon ko, kana mao, ang pagsulti sa Kamatuoran. Ug, minahal nga Dios, gusto nilang maluwas. Gusto nila, gayud. Sila—dili sila gusto niining butang nga kung unsa lang nga emosyon, kung unsa nga himohimo lang, kung unsang sistema nga pang-denominasyon, kung unsang kredo, kung unsang

dogma nga gidugang lang. Nasabtan na nila, Amahan, nga gikinahanglan niini ang putli, nga wala'y sagol nga Pulong sa Dios. Ang tanang uban pa niini mangahanaw, bisan pa ang mga langit ug yuta, apan Kini dili. Ug kung kami ang niana nga Pulong, mangahanaw ang yuta sa ilalum namo, apan dili gayud kami mahimong mahanaw, tungod kay kami ang kana nga Pulong, ang Pangasaw-onon sa Pamanhonon.

²¹³ Nagaampo ako alang sa matag usa, nga itugot Mo ngadto kanila, Amahan, mao ang akong kinasingkasing nga pag-ampo. Ug pasayloa ako, Amahan, sa akong pagkanerbiyoso kaayo karong gabii, mianhi dinhi nga ulahi na, ug—ug ingon nga ginakulbaan, ug nagasulti og binugtobugto nga pinulongan ug putol-putol. Bisan pa nga ingon niana, gamhanang Balaang Espiritu, ipangdugtong-dugtong kini tanan diha sa Imong Kaungalingong Langitnon nga pamaagi, ug ihatud kini ngadto sa kasingkasing sa mga tawo, nga gikan sa akong kasingkasing, ug sa tumong ug katuyoan nga aduna ako sulod sa akong kasingkasing nganha Kanimo. Mahimo mo ba, Ginoo? Ug luwasa kadtong mahimong maluwas. Iduol nganha Kanimo, Ginoo. Ug hinaut nga mahimong andam na kami alang nianang takna sa Pagsakgaw nga haduol na gayud. Kay akong ginapangamuyo kini sa Ngalan ni Jesus. Amen.

Ang Dios magapanalangin kaninyo.

Karon, ang tigpangulo sa—sa konbensiyon.



ANG PAGSAKGAW CEB65-1204

(The Rapture)

Kining Mensahe ni Igsoong William Marrion Branham, una giwali sa Ingles niadtong Sabado sa gabii, Disyembre 4, 1965, alang sa bangkete sa Full Gospel Business Men's Fellowship International sa Ramada Inn sa Yuma, Arizona, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apodapod sa Voice of God Recordings.

CEBUANO

©2011 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org